

全上古三代秦漢三國六朝文

全晉文卷八十四

烏程嚴可均校輯

卞粹

粹字玄仁，濟陰冤句人。太康初，爲司空賊曹屬。惠帝卽位，遷尙書郎，超拜右丞，封成陽子。遷右軍將軍。永康初，坐張華免，尋爲左軍將軍。趙王倫召爲相國從事中郎，後拜侍中、中書令。太安二年，爲長沙王乂所害，有集五卷。

王昌前母服議

昌父當其審之時，而娶後妻，則前妻同之于死，而義不絕。若生相及，而後妻不去，則妾列于前志矣。死而會乎，則同祔于葬，無竝嫡之實，必欲使子孫于沒世之後，追計二母隔絕之時，曰爲竝嫡，則背違死父，追出母亡，議者曰爲禮無前母之服者，可謂曰文害意。愚曰爲母之不親，而服三年，非一，無異于前母也。

晉書禮志中泰康元年賊曹屬

卞粹議 案王昌事  
詳前竟陵王琳文

爲皇太孫服議

太子始生故已尊重不待命誓若行議已誓不殤則元服之子當  
斬衰三年未誓而殤則雖十九當大功九月誓與未誓其爲升降  
也微斬與大功其爲輕重也遠而今注云諸侯不降嫡殤重嫌于  
無已大功爲重嫡之服大功爲重嫡之服則雖誓無復有三年之  
理明矣男能奉衛社稷女能奉婦道各已可成之年而有已成之  
事故可無殤非孩亂之謂也謂殤後者尊之如父猶無所加而止  
殤服況已天子之尊爲無服之殤行成人之制邪凡諸宜重之殤  
皆士大夫不加服而令至尊獨居其重未之前聞也

年三月皇太孫尚薨  
中書令卞粹云云

宋書禮志二  
惠帝太安元

卞壺

壺字望之粹子永嘉中除著作郎襲父爵成陽公尋行廣陵相

元帝鎮江東召爲從事中郎出爲明帝東中郎長史中興建補  
太子中庶子轉散騎常侍遷太子詹事轉御史中丞遷吏部尚  
書明帝時加中軍將軍封建興縣公尋遷領軍將軍領尚書令  
復拜右將軍加給事中尚書令成帝卽位與王導庾亮輔政尋  
解職拜光祿大夫加散騎常侍蘇峻反復爲尚書令右將軍領  
右衛將軍尋都督大桁東諸軍事假節復加領軍將軍給事中  
戰死峻平追贈侍中驃騎將軍開府儀同三司諡曰忠貞有集  
二卷

賀老人星表

陛下聖德應乾嘉瑞屢臻玄象垂耀老人啟徵萬壽無疆

載文類聚一

奏彈尚書丞郎事

舊丞郎取急及屬出皆尚有對使職局不廢而昨左右二丞及諸  
皆出唯次直二郎在役使有兵火警急便爲無復行事者二丞頓

行無印可曰封符疏此之遲慢莫斯之甚

御覽二百十三

### 奏議王式事

王式繼母前嫁夫終後嫁式父式父終持服葬訖還前夫家前家亦有繼子養至終遂合葬于前夫式爲制出母周服式辭曰父臨終母求去父許諾就如其辭必也正名依禮爲無所據若父在與亡臧否有命須顯七出之責則當存時受遺告宗廟而棄之無緣曰絕義之妻畱家制服若式父不及禮義或曰情相許或疾在臨困謬亂聽使去畱自由者此必爲相要曰非禮相要曰非禮則存亡無所得從式宜正之曰禮魏顆父命從其治不從其亂陳乾昔屬其子尊已殉殯二婢子尊已曰非禮不從春秋禮記善之竝曰妾媵猶正曰禮況其母乎禮婦人三從式母于夫事生奉終居喪曰禮非爲既絕之妻及亡制服不爲無義之婦不絕之驗彰于制服自云守節非爲更嫁攷行無絕于夫離絕之斷在夫沒之後夫

之既沒是其從子之日而式曰爲出母比此母曰子出也卽何曰子出其母而致使存無所從曰容居沒無所歸曰託終也寄命于他人之門埋尸于無名之冢若是式父亡後母尋沒于式家必不曰爲出母明矣許諾之命一耳曰爲母于同居之時至沒于前子之門而許曰爲母所處不同而曰爲出母此爲制離絕于二居裁出否于義斷離絕之斷非式而誰假使二門之子皆此母之生母戀前子求去求絕非禮于後家還反又非禮于前門去不可去還不可還則爲無寄之人也式必內盡匡諫外極防閑不絕明矣何至守不移于至親略情禮于假繼乎繼母如母聖人之教式爲國士閨門之內犯禮違義開闢未有于父則無追亡之善于母則無孝敬之道存則去畱自由亡則合葬路人可謂生事不曰禮死葬不曰禮者也母依前子非爲更嫁日月遠近理有異禮長子不爲出母服出繼母尤不應服式長子也又母非所生不應服坦然而

式乃制服明前絕無徵違禮莫據內愧于心欲已詐眩視聽託過厚已制飾尋其事情攻之正禮義不容恕式母再嫁前後俱繼何慈如此事受之日應有過禮之貶出之者宜受莫大之責式禮義之闕發于事親傷孝敬之道虧損時教不可已居人倫銓正之任式宜請議卽下禁止案侍中司徒臨穎公荀組敷宣五教實在任人而含容違禮曾不貶黜揚州大中正侍中平望亭侯陸晔淮南大中正散騎侍郎胡弘等顯執邦論朝野取信曾不能率禮正違崇孝敬之教竝爲不勝其任請已見事免組晔弘官大鴻臚削爵土廷尉結罪晉書卞壺傳通典九十四太興三年淮南小中正王式父許有遺命及式父亡母制服積年後還前繼子家及亡與前夫合葬式追服周杜夷江泉荀崧蕭輪議皆恕式御史中丞卞壺奏

奏論樂謨庾怡

時召南陽樂謨爲郡中正潁川庾怡爲廷尉評謨怡各稱父命不

就壺奏曰人無非父而生職無非事而立有父必有命居職必有悔有家各私其子此爲王者無人職不軌物官不立政如此則先聖之言廢五教之訓塞君臣之道散上下之化替矣樂廣曰平夷稱庾珉曰忠篤顯受寵聖世身非已有況及後嗣而可專哉所居之職若順夫羣心則戰戍者之父母皆當曰命子不曰處也若順謨父之意則人皆不爲郡中正人倫廢矣順怡父之意人皆不爲獄官則刑辟息矣凡如是者其可聽歟若不可聽何曰許謨怡之得稱父命乎此爲謨曰名父子可曰虧法怡是親戚可曰自專曰此二塗服人示世臣所未悟也宜一切班下不得曰私廢公絕其表疏曰爲永制

晉書下  
壺傳

羣臣拜皇太子議

明帝太監二年

周禮王后太子不會明禮同于君皆所曰重儲貳異正嫡苟奉之如君不得不拜矣太子若存謙沖故宜答拜臣曰爲皇太子之立



郊告天地正位儲宮豈得同之皇子揖讓而已謂宜稽則漢魏因

朝同拜

晉書禮志下  
通典六十七

周札贈諡議

札石頭之役開門延寇遂使賊敦恣亂札之責也追贈意所未安

懋筵兄弟宜復本位

晉書則  
札傳

拜敬保傅議

臣歷觀紀籍禮經無拜臣之制雖漢成帝拜張禹庸主凡臣不足

爲範或說師臣友臣師模其道又未見其拜也至于先帝之拜司

徒導特召元皇帝興自藩國布衣之交拜在人臣之日故率而不

改陛下尊訓先典服膺禮中未宜降南面之尊拜北面之臣大教

有違名體不順事應改正

通典六  
十七

又奏

臣攷先典之極無過于周公而周史無拜敬之禮記稱王者入學

躬拜三老此一朝之敬猶子冠而母拜豈可終身行焉

通典六十七

上牋自陳

壺天性狷狹不能和俗退已情事欲畢志家門亡父往爲中書令時壺蒙大例望門見辟信其所執得不祇就門戶遇禍進竄易名得存視息私志有素加嬰極難流寄蘭陵爲苟晞所召恐見逼迫依下邳裴盾又見假授思暫之郡規得託身尋蒙見召爲從事中郎豈曰貪榮直欲自致規暫恭命行當乞退屬華軼之難不敢自陳軼既臯懸壺亦嬰病具自歸聞未蒙恕遣世子北征選寵顯望復已無施忝充元佐榮則榮矣實非素懷顧已命重人輕不敢辭憚聞西臺召壺爲尙書郎實欲因此已避賢路未及陳誠奄丁窮罰壺年九歲爲先母弟表所見孤背十二蒙亡母張所見覆育壺已陋賤不能榮親家產屢空養道多闕存無歡娛終不備禮拊心永恨五內抽割于公無效如彼私情艱苦如此實無情顏昧冒榮

進若廢壺一人江北便有傾危之慮壺居事之日功績已隆者誠不得私其身今東中郎岐嶷自然神明日茂軍司馬諸參佐並已明德宣力王事壺之去留曾無損益賀循謝端顧景丁琛傅晞等皆荷恩命高枕家門壺委質二府漸冉五載攷效則不能已彰論心則頻累恭順奈何哀孤之日不見愍恕哉

晉書十壺傳

與溫嶠書

元規召峻意定懷此於邑溫生足下柰此事何吾今所慮是國之大事且峻已出狂意而召之更速必縱其羣惡召向朝廷朝廷威力誠桓桓交須接鋒履刃尙不知便可卽擒不王公亦同此情吾與之爭甚懇切不能如之何本出足下爲外藩任而今恨出足下在外若卿在內俱諫必當相從今內外戒嚴四方有備峻凶狂必無所至耳恐不能使無傷如何

晉書十壺傳

書

足下佳不朝口

此二字姜作北中

郎上獲諸城文墨至便在舍事許改變

子紙下物知此草勿令一人見也吾今敕書事令不發亟付卿發

發便密令人傳

姜作房謂與防通

之壺白

前化閣

梁柳

柳太康中爲弘農太守徙陽平太守

嶠山路石銘

晉太康三年弘農太守梁柳脩復舊道

水經注河水四今出側附路有石銘

劉漢

漢太康中爲尙書郎

議推處劉毅

龍體既蒼雜呂素文意者大晉之行戢武興文之應也而毅乃引  
衰世妖異呂疑今之吉祥又呂龍在井爲潛皆失其意潛之爲言  
隱而不見今龍彩質明煥示人呂物非潛之謂也毅應推處

晉書劉毅

傳時龍見武庫井中百官將賀毅獨表無賀龍之禮尙書郎劉漢等議詔不聽

王宮

宮北海人太康中羽林左監元康初爲殿中將軍

爲劉毅請諡疏

中詔曰毅忠允匪躬贈班台司斯誠聖朝考績曰毅著勲之美事也臣謹案諡者行之迹而號者功之表今毅功德竝立而有號無諡于義不體臣竊曰春秋之事求之諡法主于行而不繼爵然漢魏相承爵非列侯則皆沒而高行不加之諡至使三事之賢臣不如野戰之將銘迹所殊臣願聖世舉春秋之遠制改列爵之舊限使夫功行之實不相掩替則莫不率賴若曰革舊毀制非所倉卒則毅之忠益雖不攻城略地論德進爵亦應在例臣敢惟行甫請周之義謹牒毅功行如右

晉書劉毅傳

牽秀

秀字成叔武邑觀津人太康中爲新安令遷司空從事中郎免  
後爲司空張華長史惠帝西幸進尙書河間王頤曰爲平北將  
軍鎮馮翊爲長史楊騰所殺案河間王頤傳東海王越遣督護  
麋晃伐頤至鄭陽將牽秀距晃晃  
斬秀與本  
傳不同有集四卷

相風賦

幽林絕響巨海息波文選月賦注

黃帝頌

邈矣黃軒應天載靈通幽遠覽觀象設形誕敷厥訓彝倫攸經德  
從風流化與雲征皇猷允塞地平天成爰登方岳封禪勒成紛然  
鳳舉龍騰太清遠茲九土陟彼高冥民斯攸慕涕泗沾纓遐而不  
墜式頌德聲藝文類聚十二  
御覽七十九

老子頌

深哉伯陽誕此靈姿研精玄奧幽贊神微抱質懷素蘊寶藏輝述

而好古儀聖作師周衰道廢厥猷匪宣龍潛初九亢志皓然於邈  
高風徽音永傳

彭祖頌

於休彭公應運特生窮神知化妙物通靈挹之不沖滿之不盈  
光隱曜混沌玄清確乎其操邈乎其度含真蕩穢離俗遺務託神  
玄妙遊心泰素享年七百寶降其祚惠我無疆倫道作故

王喬赤松頌

妙哉松喬稟此殊姿含精握氣靈德是綬藏器華圖俛首騰飛齊  
迹風雲超遠姿微乃翔靈墳鳥像人聲低徊舊土眷此平生惠而  
不諒凋我素形神儀既隕翻飛而征遨遊八維跨騰九冥應慶因  
極與道虛盈藝文類聚  
七十八

皇甫陶碑

帝命既允戎政呂閑

文選諸淵  
碑文注

索靖

靖字幼安，敦煌人。州辟別駕，郡舉賢良方正，對策高第，拜駙馬都尉，出爲西域戊己校尉、長史，擢尙書郎，除雁門太守，遷魯相，又拜酒泉太守。惠帝卽位，賜爵關內侯。元康中，大將軍梁王彤召爲左司馬，加盪寇將軍，遷始平內史。及趙王倫篡位，應三王義舉，召左衛將軍討孫秀有功，加散騎常侍，遷後將軍、太安末，拜使持節、監洛城諸軍事、游擊將軍，拒河間王顒戰死。年六十五，追贈太常，後又贈司空，進封安樂亭侯。諡曰莊靖，有五行三統正驗論二十卷，索子晉詩二十卷，集三卷。

書

七月二十六日具書靖白，雖數相聞，不解勞倦，信至得書，悉知棄云宅及計東來言展有期。索靖白，清化閣帖三載妖嬈一帖凡八十二字脫誤案此帖前尚有

不可句讀故不錄



月儀帖

正月具書君白大簇布氣景風微發願變綏寧無恙幸甚隔限遐塗莫因良話引領託懷情過採葛企佇難將故及表問信李庶庶俱蒙告音君白

君白四表清通俊乂濯景山無由睹之隱朝有二八之盛斯誠明珠耀光之高會鸞皇翻翥之良秋也吾子懷英偉之才而遇清升之祚想已天飛奮翼紫閣使親者有邇賴也君白

二月具書君白俠鍾應氣融風扇物遙願高宇使時讚宜山川攸遠限已成隔自我不見俛仰數年看塗馳思言存所親裁及告懷悵焉不具君白

君白王路熙和皇化洋溢博採英儒自恢時佐輦無叩角之怨門有搢紳之盛斯乃潛龍逢九五之運寶玉值卞氏之明已委蓬室之陋已安金紫之榮使親契有拂冠之慶也君白

三月具書君白。姑洗育物。罄無不宜。延想吾子。隨運是康。機度推疏。不面踰紀。分逼哀塗。烏咽良展。馳心投情。庶能感應。具書脩問。罔然不具。君白。

君白。洪化遐布。率土咸寧。秉卞莊之勇者。口武而精道。抱管鮑之才者。彈冠而待顯。怪已高邁之姿。而懷迷時之志。逮明明之來。緬不識之響。機運稍移。人生若寄。願速龍躍。耀于雲漢也。君白。

七月具書君白。夷則布氣。暑運西流。遙想足下。動靜順宜。川塗悠遠。乖我談宴。心存明魂。精爽馳想。登高長佇。洩已隕之。不勝勞歎。裁及書問。君白。

君白。與子少舊。契闊在昔。情款好合。如彼琴瑟。何圖離別。歷載十餘年。往口口口口口口口口口口。天地之悠長。口人生之險絕。悼言多感。悵然傷懷。唯足下寶德育素。已熙萬福。敘此故舊。君白。

八月具書君白。南呂應化。中秋告涼。敬想令問。福履多宜。山川緬

邈信理希寡。談面旣闊。音問又疏。傾首延懷。無日不勞。想篤分好。不孤其勤。亦見信憶舊。裁因數字。行人彭彭。俱數相聞。君白。

君白。世清道治。聖化光洽。明于博採。唯賢是務。足下召神龍之賈。應景風之求。足陟天閣。而德聞四海。允彼具瞻。副此羣望。竊從草澤。慷慨增願。君白。

九月具書君白。無射改卦。廣莫布氣。氣度涼和。宜時順節。路乖人隔。邈若天踰。翹首延思。遠莫致之。君子篤好。想齊往分。不勝佇企。飢渴之懷。故書表問。不能暢情。君白。

君白。昔忝同門。濫攀君子。子已逸羣之才。當貫三千之首。登堂入室。研道之奧。雖明闇殊品。每亦希顏。至已乖隔。孤陋遐外。曠道離友。益已牆面。無因之積。已書所敬。君白。

十月具書君白。應鍾導運。嚴霜稍隆。時變物移。感候增懷。馳心繫想。言存所親。山川路限。不能翻飛。登彼崇丘。逍遙長望。延佇莫及。

思積情疲不勝鬱陶眷然之感裁復白書不悉君白

君白往春執手刻會來秋迎期待面慊然遲想正已逸驥之迹騁于雲漢之路龍驤天府忘此友信飛沈壺殊何緣言蠟厚爲時節寶愛光儀君白

十一月具書君白黃鍾吐氣凝寒雰降溫室重裘和氣養神休宜幸甚歲月飛馳逝不我待闊自別後始忽然踰載望塗延思精誠所感無物不應果口來況德音彌滿耽翫良翰悟快愛慰增慨不勝抱感裁因口荅言不具盡君白

君白昔誓秋歸而奄經半載匪我愆期時違書信口口之隆況旨沓密蚩已逸踰約已馳騫親愛分隔齊口口寧足下復遠口歧望邪倉卒不具君白

十二月具書君白大呂口度末寒慄烈明德宜時夢想無恙分隔踰年良會乖違感詠蕭艾言存宿好翹翹延領不勝思積裁及白

書不能具悉君白

君白不圖一別便成永隔瞻彼脩路從此乖限情經運候思興感

物發言存信洩已流墜足下口嚴度同此懷信使知問君白董道廣川

書跋云晉人評書曰索靖比王逸少而歐陽詢至臥碑下近世惟  
淳化官帖中有靖書其後購書四方得月儀十一卷今入續帖中  
然于前書亦異李嗣真曰靖有月儀三卷觀其趣尙大爲道疎  
今月儀不止三章或謂昔人離析然書無斷裂殆唐人臨寫者

草書狀

聖王御世隨時之宜倉頡既生書契是爲科斗鳥篆類物象形敬  
哲變通意巧茲生損之隸草已崇簡易百官畢脩事業竝麗蓋草  
書之爲狀也婉若銀鉤漂若驚鸞舒翼未發若舉復安蟲蛇蚪蠕  
或往或還類阿那巨羸形歛奮疊而桓桓及其逸遊肝嚮乍正乍  
邪騁驥暴怒逼其轡海水窞隆揚其波芝草蒲陶還相繼棠棣融  
融載其華玄熊對踞于山嶽飛燕相追而差池舉而察之又侶乎  
和風吹林偃草扇樹枝條順氣轉相比附竊嬈廉苦隨體散布紛

擾擾已猗靡中持疑而猶豫玄螭狡獸嬉其間騰猿飛鼯相奔趣  
凌魚奮尾蛟龍反據投空自竄張設牙距或若登高望其類或若  
既往而中顧或若倣儻而不羣或若自檢于常度于是多才之英  
篤藝之彥役心精微耽此文憲守道兼權觸類生變離析八體靡  
形不判去繁存微大象未亂上理開元下周謹案騁辭放手兩行  
冰散高音翰厲溢越流漫忽班班而成章信奇妙之煥爛體磔落  
而壯麗姿光潤已粲粲命杜度運其指使伯英迴其腕著絕勢于  
紉素垂百世之殊觀

晉書索靖傳藝  
文類聚七十四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十五

烏程嚴可均校輯

張載

載字孟陽安平灌津人太康中爲著作佐郎轉太子中舍人遷樂安相弘農太守長沙王又請爲記室督拜中書侍郎復領著作引疾歸有集七卷

濠池賦

麗華池之湛淡開重壤曰停源激通渠于千金承灋洛之長川挹洪流之汪濊包素瀨之寒泉旣乃北通醴泉東入紫宮左面九市右帶閭風周壩建乎其表洋波迴乎其中幽瀆傷集初學記七潛作瀆集流獨注仰承河漢吐納雲霧緣曰采石殖曰嘉樹水禽育而萬品珍魚產而無數蒼苔汎濫脩條垂榦綠葉覆水玄蔭珍岸紅蓮煒而秀出繁葩超曰煥爛游龍躍翼而上征翔鳳因儀而下觀想白



日之納光。觀洪暉之皓旰。于是天子乘玉輦。時遨遊。排金門。出千  
秋。造綠池。鏡清流。翳華蓋。已逍遙。攬魚釣之所。收纖緒。挂而鱸。鮓  
來芳餌。沈而鰕。鯉浮。豐夥踰于巨壑。信可樂。已忘憂。藝文類  
聚九

敘行賦

歲大荒之孟夏。余將往乎蜀都。脂輕車而秣馬。循路軌。已西徂。朝  
發軔于京宇。夕予宿于穀洛。踐有周之舊墟。塊巨荒。已寥廓。讚  
王孫于北門。問九鼎于東郭。實公目之所卜。曷斯土之瀆薄。入函  
谷而長驅。歷新安之鹵臯。行逶迤。已登降。涉二嶠之重阻。經嶽岑  
之險巖。想姬文之避雨。出潼關。已迴逝。仰華岳之崔嵬。勤大禹之  
疏導。豁龍門之洞開。舍子車。已步趾。玩青木之璀璨。翳青青之長  
松。蔭肅肅之高杪。緣阻岑之絕崖。蹈偏梁之懸閣。石壁立。已切天。  
岌嶮隗其欲落。超陽平而越白水。稍幽夢。已迴深。秉重轡之百層。  
轉木末于九岑。浮雲起于轂下。零雨集于麓林。上昭晰。已清陽。下

杳冥而晝陰聞山鳥之晨鳴聽玄猿之夜吟雖處者之所樂嗟寂  
寞而愁予心造劒閣之崇關路盤曲曰朧謁山崢嶸曰峻狹仰青  
天其如帶兼習坎之重固形東隘曰要害豈乾坤之分域將隔絕  
乎内外城文類聚二十七

韓舞賦并序

蓋曰歌曰詠所曰象德足之蹈之所曰盡情也初學記十五

韓舞煥而特奏兮冠眾妓而超絕采千戚之遺式兮同數度于二

八初學記十五

手運無方足不及帶輕裾鸞飛漂微逾曳初學記十五

羽扇賦

有翔雲之素鳥體自然之至絮飄縞羽于清霄擬妙姿于白雪俯  
濯素于河漢仰晞光于日月雙趾蹶而騰虛六翩揮而風厲于是  
倣世公子倣儻踔躑遺物獨出樂此天爵飛蒲氏之脩蟠榮子余

之纖繳弋翔冥之鷗雞連王子之白鶴裁輕翼曰爲扇發清風于

勁翮濯曰雲精拂曰芝露

二語從御覽十二補上下俱有缺文

若乃搜奇選妙絕色

寡雙鵠質噉鮮立の點鋒脩短雖異而光彩齊同故易稱可曰爲

儀詩美肅肅之容是曰停之如棲鵠揮之如驚鴻飄纓縶于軒幌

發輝曜于羣龍夫裂素製圓剖竹爲方五明起于名都九華興于

上京

藝文類聚六十九又見書鈔一百三十四御覽七百六十六

鄴酒賦

惟聖賢之興作貴垂功而不泯嘉康狄之先識亦應天而順人擬  
酒旗于立象造甘醴曰頤神雖賢愚之同好倡大化之齊均物無  
往而不變獨居舊而彌新經盛衰而無廢歷百代而作珍若乃中  
山冬飲醇酎秋發長安春御樂浪夏設漂蟻萍布分香酷烈垂嘉  
稱于百代信人神之所悅未聞珍酒出于湘東丕顯于皇都乃潛  
淪于吳邦往逢天地之否運今遭六合之間通播殊美于聖代宣

至味而大同匪徒法用之窮理信泉壤之所鍾故其爲酒也殊功  
絕倫三事旣節五齊必均造釀曰秋告成曰春備味滋和體清色  
清宣御神志導氣養形遺憂消患適性順情言之者嘉其美志味  
之者棄事忘榮于是糾合同好曰邀曰遊嘉賓雲會矩坐四周設  
金樽于南楹酌浮觴曰旋流備鮮肴曰綺錯進時膳之珍羞禮儀  
攸序是獻是酬頽頽微發溢思凱休德音晏晏弘此微猷咸得志  
曰自足願棲遲于一丘于是歡樂旣洽日薄西隅主稱湛露賓歌  
騶駒僕夫整駕言旋其居乃憑軾曰迴軌騁輕駟于通衢反衡門  
曰隱迹覽前聖之典謨感夏禹之防微悟儀氏之見疏鑒往事而  
作戒罔非酒而惟愆哀秦穆之旣醉殲良人而棄賢嘉衛武之能  
悔著屢舞于初筵察成敗于往古垂將來于茲篇

藝文類聚七十  
二初學記二十

安石榴賦

有石榴之奇樹。肇結根于西海。仰青春日啟萌。踰朱夏日發采。揮  
光垂綠。擢餘曜鮮。煥若羣翡俱栖。爛若百枝並然。煥乎郁郁。焜乎  
煌煌。仰映青霄。俯燭蘭堂。侶西極之若木。譬東谷之扶桑。于是天  
迴節移。龍火西夕。流風晨激。行露朝白。紫房既熟。文選潘岳問居賦注作獨熟  
瀝膚自拆。剖之則珠散。含之則冰釋。充嘉味于庖籠。極醇醲之滋  
液。上薦清廟之靈。下羞玉堂之客。藝文類聚八十六御覽九百七十

瓜賦

羊散虎掌。挂枝蜜筍。或立表丹裏。呈素含紅。豐膚外偉。綠臙內醲。  
甘相夏熟。丹柰含芳。朱李零于桂圃。蒲萄潰于椒牀。雖茲肴之孤  
起。莫斯瓜之允臧。超櫛子于南海。越橘柚于衡陽。若乃檳榔椰實。  
龍眼荔枝。徒目希珍。難致爲奇。論實比德。孰大于斯。藝文類聚八  
百六十八又  
九百七十八

平吳頌

聞之前志、堯有丹水之陣、舜有三苗之誅、此聖帝明王、平暴靜亂、未有不**用兵而制之也**。夫大上成功、非頌不顯、情動于中、非言不彰、猗猗既攘、出車旨興、淮夷既平、江漢用作、斯故先典之明志、不刊之美事、烏可闕歟、遂作頌曰、

上哉仁聖、曰惟皇晉、光澤四表、繼天垂胤、帝道煥于唐、堯義聲邈乎虞舜、蠢爾鯨吳、憑山阻水、肆虐播毒、而作豺虺、菁茅闕而不貢、越裳替其白雉、正九伐之明典、申號令之舊章、布互地之長羅、振天網之脩綱、制征期于一朝、竝箕驅而慕張、爾乃拔丹陽之峻壁、屠西陵之高壙、日不移晷、羣醜率從、望會稽而振鐸、臨吳地而奮旅、眾軍競趨、烽戍具舉、挫其輕銳、走其守禦、甄文類聚五十九

元康頌

開元建號、班德布化、

文選顏延之宋郊祀歌注

權論

夫賢人君子將立天下之功，成天下之名，非遇其時，曷由致之哉？故嘗試論之：殷湯無鳴條之事，則伊尹有莘之匹夫也；周武無牧野之陣，則呂牙渭濱之釣翁也。若茲之類，不可勝紀。蓋聲發響應，形動影從，時平則才伏，世亂則奇用，豈不信歟？設使秦莽脩三王之法，時致隆平，則漢祖泗上之健吏，光武春陵之俠客耳。況乎附麗者哉？故當其有事也，則足非千里，不入于輿，刃非斬鴻，不齧于鞘；是曰鴛鴦望風而退，頑鈍未試而廢。及其無事也，則牛驥共牢，利鈍齊列，而無長塗犀革，曰決之。此離朱與瞽者同眼之說也。處守平之世，而欲建殊常之勲，居太平之際，而吐違俗之謀，此猶卻步而登山，轡章甫于越也。漢文帝見李廣而歎曰：「惜子不遇當高祖時，萬戶侯豈足道哉？」故智無所運，其籌勇無所奮，其氣則勇怯一也，才無所騁，其能辯無所展，其說則頑慧均也。是曰吳榜越船，不能無水而浮；青蚓赤螭，不能無雲而飛。故和璧之在荆山，隋珠

之潛重川。非遇其人焉。有連城之價。照車之名乎。青駝繁霜。繫于籠中。何已。效其撮東郭于韞下也。白鰲玄豹。藏于櫺檻。何已。知其接垂條于千仞也。屠夫與烏。獲訟力。非龍文赤鼎。無已。明之。蓋孟政與荆卿爭勇。非彊秦之威。孰能辨之。故餓夫庸隸。抱關屠釣之倫。一旦而都卿相之位。建金石之號者。或有懷顏孟之術。抱伊管之略。沒世而不齒者。此言有事之世。易爲功。無爲之時。難爲名也。若斯湮滅而不稱。曾不足已。多說。況夫庸庸之徒。少有不得意者。則自己爲枉伏。莫不飾小辯。立小善。自偶時。結朋黨。聚虛譽。已驅俗。進之。無補于時。退之。無損于化。而世主相與雷同。齊口吹而煦之。豈不哀哉。今士循常習。故規行矩步。積階級。累閭閥。碌碌然。已取世資。若夫魁梧雋傑。卓犖倣儔之徒。直將伏死嶽岑之下。安能與步驟共爭道里乎。至于軒冕黻班之士。苟不能匡化輔政。佐時益世。而徒俯仰取容。要榮求利。厚自封之資。豐私家之積。此沐猴



而冠耳。尙焉足道哉。

晉書張載傳又略見藝文類聚九十五鄧覽九百十

### 劍閣銘

巖巖梁山。積石峩峩。遠屬荆衡。近綴岷嶓。南通邛笮。北達褒斜。狹過彭碣。高踰嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清斯順。閉由往漢。開自有晉。秦得百二。并吞諸侯。齊得十二。田生獻籌。矧茲狹隘。土之外區。一人荷戟。萬夫趑趄。形勝之地。匪親勿居。昔在武侯。中流而喜。山河之固。見屈吳起。興實在德。險亦難恃。洞庭孟門。二國不祀。自古迄今。天命匪易。憑阻作昏。鮮晉書及藝文類聚作渺不敗績。公孫既滅。劉氏銜壁。覆車之軌。藝文類聚作遺軌無或重迹。勒銘山阿。敢告梁益。文選晉書張華傳藝文類聚七

### 洪池陂銘

開源東注。出自城池。魚鼈蠹殖。水鳥盈涯。菱藕狎獮。杭稻連畦。漸臺中起。列館參差。惟水泱泱。厥大難訾。藝文類聚九

乞首銘

先民造制戒豫惟謹乞首之設應速用近既不忽備亦無輕忿利

己彤彰功己道隱

魏文類聚六十御覽三百四十六

張協

協字景陽載弟辟公府掾除祕書郎補華陰令歷征北從事中郎入爲中書侍郎轉河間內史己亂去官永嘉初徵爲黃門侍郎不就有集四卷

洛禊賦

夫何三春之令月嘉天氣之氤氲和風穆己布暘兮百卉暄而敷芬川流清冷己汪濊原隰蔥翠己龍鱗游魚灑潏于淥波玄鳥鼓翼于高雲美節慶之動物悅羣生之樂欣顧新服之初成兮將禊除于水濱于是縉紳先生嘯儔命友攜朋接黨冠童八九主希孔墨賓慕顏柳臨崖詠吟濯足盥手乃至都人士女奕奕祁祁車駕

岬岬充溢中達粉葩翕習綠阿被瀟振袖生風接衽成幃若夫權  
戚之家豪侈之族采騎齊鑣華輪方轂青蓋雲浮參差相屬集乎  
長洲之浦躍乎洛川之曲遂乃停輿蕙渚稅駕蘭田朱幔虹舒翠  
幙蜺連羅櫓列爵周已長筵于是布椒醕薦柔嘉祈休吉調百疴  
漱清源已滌穢兮攬綠藻之纖柯浮素卵已蔽水灑玄醪于中河  
清哇發于素齒口口口口口口水禽爲之駭踊陽侯爲之動波類聚四北堂書鈔一百三十二又一  
百五十五引五條初學記四  
御覽三十又三百六十八又七百又七百七十五又九百二十八

登北芒賦

陟巒上之巉岨升逶迤之脩阪迴余車于峻嶺聊送目于四遠靈  
嶽鬱已造天連岡巖已蹇產伊洛混而東流帝居赫已崇顯山川  
汨其常弓萬物化而代轉何天地之難窮悼人生之危淺歎白日  
之西頽兮哀世路之多蹇于是徘徊絕嶺脚踏步趾前瞻南山卻  
闕大岬東眺虎牢西睨熊耳邪互天際旁極萬里莽眈眼已芒昧

諒羣形之難紀。臨千仞而俯看。侶遊身于雲霓。撫長風以延佇。想  
凌天而舉翮。瞻冠蓋之悠悠。觀商旅之接軌。爾乃地勢竄隆。丘墟  
陂陀。墳隴嶮嶺。綦布星羅。松林慘映。日攢列。玄木搜參。而振柯壯  
漢氏之所營。望五陵之鬼葬。喪亂起而敗壤。僮豎登而作歌。揚文類聚

七  
歸舊賦

苦辭既接。歡言乃周。

文選陶潛讀山海經詩注

玄武館賦

爾乃地勢夷敞。既膏且腴。環以翠林。帶以赤渠。尋厥先之攸基。實  
張氏之舊墟。何魏后之周覽。遂築館而起廬。既號玄武。是曰石樓。  
于是崇墉四匝。豐厦詭譎。爛若丹霞。皎如素雪。璀璨皓阡。華璫四  
垂。接棟連阿。崑嶠參差。朱戶青鋪。幽闔祕閨。于是高樓特起。竦峙  
峩峩。飛甍四注。上槩浮霄。直亭亭以孤立。迎水經注千里之清飈。

陽扉南啟，陰軒北達。春牖左開，秋牕右豁。仰視雲根，俯臨天末。木

則楸梓夾路，蒼蔚如林。洪幹十圍，脩枝百尋。魏文類聚六十三水經注河水五

天子翱翔郊甸，順時巡省。龍駟騰鑣，羽騎游騁。顧流光已按轡，迴

鸞旗而時幸。御覽三百五十八

安石榴賦

及草木于方志，覽華實于園囿。窮陸產于苞貢，差英奇于若榴。耀

靈葩于三春，綴霜滋于九秋。爾乃飛龍啟節，揚颺扇埃。含和澤已

滋生，鬱敷萌已挺栽。傾柯遠擢，沈根下盤。繁莖篠密，豐幹林鬱。揮

長枝以揚綠，披翠葉以吐丹。流暉俯散，迴葩仰照。爛若百枝並燃，

赫如烽燧俱燎。儼如朝日，晃若龍燭。啼絳采于扶桑，接朱光于若

木。爾乃蘋萼挺帶，金牙承粲。蔭佳人之玄鬢，發窈窕之素姿。遊女

一顧傾城，無鹽化爲南威。于是天漢西流，辰角南傾。芳實墜落，月

滿虧盈。爰采爰收，乃剖乃拆。素粒紅液，金房細隔。此二句從初學記補內憐

幽宮含紫，外滴懸日霞赤。柔膚冰潔，凝光玉瑩。濯如冰碎，泣若珠

連。合清冷之溫潤，信和神已理性。

魏文類聚八十六初學記二十八引兩條

### 都蔗賦

若乃九秋良朝，玄酎初出。觴浮華黃，酒飲累白。挫斯蔗而療渴，若

嗽醴而含蜜。

清津滋于紫梨，流液豐于朱橘。擇蘇妙而不逮，何況

沙棠與榔實。

魏文類聚八十七御覽九百七十四大觀本草二十三

### 七命

沖漠公子含華隱曜，嘉運龍盤翫世高蹈。游心于浩然，翫志乎眾

妙。絕景乎大荒之遐阻，吞響乎幽山之窮奧。于是徇華大夫聞而

造焉，乃整雲輅，驂飛黃，越奔沙，轍流霜，陵扶搖之風，躡堅冰之津。

旌拂霄堦，軌出蒼琅。天清冷而無霞，野曠朗而無塵。臨重岫而攬

巖，顧石室而迴輪。遂適沖漠之所居，其居也崢嶸幽藹，蕭瑟虛玄。

溟海渾濩涌其後，嶰谷岵嶇張其前。尋竹竦莖蔭其壑，百籟羣鳴

籠其山，衝飈發而迴日，飛驟起而麗天。于是登絕巘，遡長風，陳辯惑之辭，命公子于殿中曰：「蓋聞聖人不卷道而背時，智士不遺身而墮迹。生必耀華名于玉牒，沒則勒洪伐于金冊。今公子違世陸沈，避地獨竄，有生之歡滅，資父之義廢，愁洽百年，苦溢千歲，何其促鱗之游汀溼，短羽之棲窮骨。今將榮子曰：天人之大寶，悅子曰：縱性之至娛，窮地而遊，中天而居，傾四海之歡，殫九州之腴，鑽屈轂之瓠，解疏屬之拘，子欲之乎？」公子曰：「大夫不遺，來萃荒外，雖在不敏，敬聽嘉話。」

大夫曰：「寒山之桐，出自太冥，含黃鐘呂，吐餘操蒼岑，而孤生既乃瓊巘，峭峻金岸，嶧嶺右當風谷，左臨雲谿，上無陵虛之巢，下無距實之蹊，搖則峻挺，若邈若嶢，晞三春之溫露，遡九秋之鳴飈，秀雪寫其根，霏霜封其條，木既繁而後綠，草未素而先凋。于是構雲梯，陟岬嶧，翦裂賓之陽柯，剖大呂之陰華，營匠斲其樸，伶倫均其聲。」

器舉樂奏促調高張音聞號鐘韻清繞梁追逸響于八風采奇律  
于歸昌啟中黃之少宮發葶收之變商若乃龍火西燄暄氣初收  
飛霜迎節高風送秋羈旅懷士之徒流宕百罹之疇撫促柱則酸  
鼻揮危弦則涕流若乃追清哇赴嚴節奏綠水吐白雪激楚迴流  
風結悲蕙英之朝露悼望舒之夕缺熒倭爲之擗標嫺老爲之鳴  
咽王子拂纓而傾耳六馬噓天而仰秣此蓋音曲之至妙子豈能  
從我而聽之乎公子曰余病未能也

大夫曰蘭宮祕宇雕堂綺櫳雲屏爛汗瓊壁青蔥應門八襲旋臺  
九重表以百常之闕圓以萬雉之墉爾乃嶢榭迎風秀出中天翠  
觀岑青彫閣霞連長翼臨雲飛陞陵山望玉繩而結極承倒影而  
開軒蘋素炳煥粉拱嵯峨陰虬負檐陽馬承阿錯以瑤英鏤以金  
華方疏含秀圓井吐葩重殿疊起交綺對楸幽堂畫密明室夜朗  
焦螟飛而生風尺蠖動而成響乃若目厭常玩體倦帷幄攜公子



而雙游。時娛觀于林麓。登翠阜。臨丹谷。華草錦繁。飛采星燭。陽葉  
春青。陰條秋綠。華實代新。承意恣觀。仰折神蔬。俯采朝蘭。迴惠風  
于蒨薄。卷椒塗于瑤壇。爾乃浮三翼。戲中沚。潛鯢鯨。驚翰起。沈絲  
結。飛增理。挂歸翩于赤霄之表。出華鱗于紫淵之裏。然後縱棹隨  
風。弭楫乘波。吹孤竹。拊雲和。川客唱淮南之曲。榜人奏采菱之歌。  
歌曰。乘鳧舟。今爲水嬉。臨芳洲。今拔雲芝。樂已忘戚。游已卒時。窮  
夜爲日。畢歲爲期。此蓋宴居之浩麗。子豈能從我而處之乎。公子  
曰。余病未能也。

大夫曰。若乃白商素節。月旣授衣。天凝地閉。風厲霜飛。柔條夕勁。  
密葉晨稀。將因氣以效殺。臨金郊而講師。爾乃列輕武。整戎剛。建  
雲髦。啟雄芒。駕紅陽之飛鸞。摩唐公之鸛鶴。屯羽隊于外林。縱輕  
翼于中荒。爾乃張脩旻。布飛羅。陵黃岑。挂青緹。畫長壑。以爲限。帶  
流谿。以爲關。旣乃內無疏蹊。外無漏迹。叩鉦數按。舉麾贊獲。殼金

機馳鳴鏑。翦剛豪。落勁翮。連騎競驚。駢武齊轍。翕忽揮霍。雲迴風  
列。聲動響飛。形移景發。舉戈林鋒。揮鋒電滅。仰傾雲巢。俯殫地穴。  
乃有圖文之狎。斑題之縱。鼓蠶風生。怒目電睨。口噉霜刃。足撥飛  
鋒。顛林蹶石。扣跋幽叢。于是飛黃奮銳。貫石逞伎。蹙封狐。攔馮豕。  
拉魑魍。挫獬豸。句爪摧鋸。牙擺瀾。漫狼藉。傾榛倒壑。殞犢挂山。偃  
路掩澤。藪爲毛林。隔爲丹薄。于是徹圍頓固。卷旆收驚。虞人數獸。  
林衡計鮮。論最犒勤。息馬韜弦。肴駟連鑣。酒駕方軒。千鍾電醕。萬  
隨星繁。陵阜霑流膏。谿谷厭芳煙。歡極樂殫。迴節而旋。此亦田遊  
之壯觀。子豈能從我而爲之乎。公子曰。余病未能也。

大夫曰。楚之陽劍。歐冶所營。邪谿之鋌。赤山之精。銷踰羊頭。鍊鉞  
鍛成。乃鍊乃鑠。萬辟千淮。豐隆奮椎。飛廉扇炭。神器化成。陽文陰  
綬。旣乃流綺星連。浮彩豔發。光如散電。質如耀雪。霜錚水凝。冰刃  
露潔。形冠豪曹。名珍巨闕。指鄭則三軍白首。麾晉則千里流血。豈

徒水截蛟鴻陸灑奔駟斷浮翮曰爲工絕重甲而稱利云爾而已  
哉若其靈寶則舒辟無方奇鋒異模形震辭燭光駭風胡價兼三  
鄉聲貴二都或馳名傾秦或夜飛去吳是曰功冠萬載威曜無窮  
揮之者無前擁之者身雄可曰從服九國橫制八戎爪牙景附函  
夏承風此蓋希世之神兵子豈能從我而服之乎公子曰余病未  
能也

大夫曰天驥之駿逸態超越稟氣靈淵受精皎月睥睨黑照玄采  
紺發沫如揮紅汗如振血秦青不能識其畧尺方堙不能觀其若  
滅爾乃巾雲軒踐朝霧越春衢整秋御虬螭螭騰麟超龍翥望山  
載奔視林載赴氣盛怒發星飛電駭志陵九州勢越四海影不及  
形塵不暇起浮箭未移再踐千里爾乃踰天垠越地隔過汗漫之  
所不遊躡章亥之所未迹陽鳥爲之頓羽夸父爲之投策斯蓋天  
下之僞乘子豈能從我而御之乎公子曰余病未能也

大夫曰大梁之黍瓊山之禾唐稷播其根農帝嘗其華爾乃六禽  
殊珍四膳異肴窮海之錯極陸之毛伊公饔鼎庖子揮刀味重九  
沸和兼勺藥晨晷露鵲霜鵲黃雀圓案星亂方丈華錯封熊之蹠  
翰音之跖鷄髀猩脣髦殘象白靈淵之龜萊黃之鮑丹穴之鸛玄  
豹之胎燿曰秋橙醢曰春梅接曰商王之箸承曰帝辛之杯范公  
之鱗出自九溪赭尾丹鰓紫翼青鬢爾乃命支離飛霜鏑紅肌綺  
散素膚雪落婁子之豪不能廁其細秋蟬之翼不足擬其薄繁肴  
既闕亦有寒羞商山之果漢泉之棣析龍眼之房剖椰子之殼芳  
旨萬選承意代奏乃有荆南烏程豫北竹葉浮蟻星沸飛華萍接  
左石嘗其味儀氏進其法傾囷一朝可曰流湏千日單醪投川可  
使三軍告捷斯人神之所歆羨觀聽之所焯畦也子豈能彊起而  
御之乎公子曰耽爽口之饌甘腊毒之味服腐腸之藥御亡國之  
器雖子大夫之所榮故亦吾人之所畏余病未能也

大夫曰蓋有晉之融皇風也金華啟徵大人有作繼明代照配天  
光宅其基德也隆于姬公之處岐其垂仁也富乎有殷之在亳南  
箕之風不能暢其化離畢之雲無日豐其澤皇道昭煥帝載緝熙  
道氣日樂宣德日詩教清乎雲官之世治穆乎鳥紀之時王猷四  
塞函夏謐靜丹冥投鋒

案書鈔十五作丹  
塞收鋒疑此誤

青微釋警御馬于糞車

之轅銘德于昆吾之鼎羣氓反素時文載郁耕父推畔魚豎讓陸  
樵夫恥危冠之飾輿臺笑短後之服六合時邕巍巍蕩蕩玄邈巷  
歌黃髮擊壤解羲皇之繩錯陶唐之象若乃華裔之夷流芳之額  
話不傳于輶軒地不被于正朔莫不駭奔稽顙委質重譯于時昆  
蛟感惠無思不擾苑戲九尾之禽園棲三足之鳥鳴鳳在林矜于  
黃帝之圖有龍遊淵盈于孔甲之沼萬物烟煴天地交泰義懷靡  
內化感無外林無被褐山無韋帶皆象刻于百工兆發乎靈蔡摺  
紳濟濟軒冕藹藹功與造化爭流德與二儀比大言未終公子蹶

然而興曰鄙夫固陋守此狂狷蓋理有毀之而爭寶之訟解言有  
怒之而齊王之疾痊向子誘我曰聾耳之樂棲我曰郢家之屋田  
遊馳蕩利刃駿足既老氏之攸戒非吾人之所欲故靡德而應子  
至聞皇風載旌時聖道消舉實爲秋摘藻爲春下有可封之人上  
有大哉之君余雖不敏請尋後塵

文選晉書  
張協傳

白鳩頌

經仁緯義

文選褚淵  
碑文注

泰阿劍銘

泰阿之劍世載其美淬曰清波礪曰越砥如玉斯曜若影在水不  
運自肅率土從軌

藝文類聚六十初學記二  
十二御覽三百四十四

文身刀銘

寶刀既成窮理盡妙斂文波迴流光電照

藝文類聚六十  
初學記二十二

把刀銘

奕奕名金、昆吾遺璞、裁爲把刀、利亞切玉、時文斯偃、含精內燭、威

助雖化、武不可黷、

藝文類聚六十御覽三百四十六

露拍刀銘

露拍在服、威靈遠振、遵養時晦、曜德崇信、

御覽三百四十六

長鉞銘

五才竝建、金作明威、長鉞陸離、弭凶防逆、素刀霜厲、溢景橫飛、

藝文

類聚六十御覽三百四十六

短鉞銘

器用多品、詭制殊觀、亦有短鉞、清暉載爛、昔在先朝、戢兵靜亂、惟

皇寶之優而弗玩、

藝文類聚六十御覽三百四十六

手戟銘

鏃鏃雄戟、清金練鋼、名配越棘、用過干將、嚴鋒勁校、摘鈎摧芒、

御覽

三百五十三

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷八十五終





嫂叔服論

嫂應有服作傳者橫曰無服蔣濟引娣姒婦證非其義論云喪服云夫爲兄弟服妻降一等則專服夫之兄弟固已明矣尊卑相侔服無不服由此論之嫂叔大功可得而從通典九十二

王讚

讚太康中爲太子舍人惠帝時拜侍中永嘉中爲陳留內史加散騎侍郎有集五卷

梨樹頌并序

太康十年梨樹四枝其條與中枝合生于園圃皇太子令侍臣作頌

嘉木時生瑞我皇祚脩榦外揚隆枝內附翌翌皇儲克光其敬神厥其和人降其盛降自玄圃合體連性時惟令月躬親北林樂在同人如蘭如金木之則應乃同其心同心之生啟自神明在心斯

動于言斯形先民有則稱詩表情惟永作歌曰休厥靈文苑英華八十六卷

學記二

十八

司徒李肩誅見晉書李肩傳亡

遂殷

殷太康中爲尙書令史

乞爲祖母姜還重表

父翔少繼叔父榮榮早終不及持重今祖母姜氏亡主者曰翔後榮從出降之制斷殷爲大功假二十日愚目爲翔既不及榮持重服雖名戶別繼奉養姜故如親子便依降例情制爲輕且殷是翔之嫡子應爲姜之嫡孫乞得依令遣還去職通典九十六

臣眾

眾武帝時著作佐郎

表

世祖武皇帝擢臣負薪之中、授臣著作佐郎、典治天下文義、數術、乃撰諸志也。

北堂書鈔五十七引后瑞記太安元年前著作郎臣竇表稱云云

安慮

慮字仲元

使蜀弔孔明

適子之墓、冥漠無聲、廟堂猶在、松柏冬青、遐哉邈矣、長游幽冥、

北堂

書鈔一百二引王隱晉書

孫尹

尹字文旌、樂安人、爲陳雷祖、遷陽平太守、

表復起劉毅

禮凡卑者執勞、尊者居逸、是順敘之宜也、司徒魏舒司隸校尉嚴詢、與毅年齒相近、往者同爲散騎常侍、後分授外內之職、資塗所經、出處一致、今詢管四十萬戶州、兼董司百僚、總攝機要、舒所統

八為當作人  
為

殷廣兼執九品銓十六州論議主者不曰為劇殺但已知一州便  
謂不宜累曰碎事于殺太優詢舒大劣若目前聽致仕不宜復與  
遷授位者故光祿大夫鄒褒為司空是也夫知人則哲惟帝難之  
尚可復委曰宰輔之任不可諮曰人倫之論臣竊所未安昔鄭武  
公年過八十人為周司徒雖過懸車之年必有可用殺前為司隸  
直法不撓當朝之臣多所案劾諺曰受堯之誅不能稱堯直臣無  
黨古今所悉是曰汲黯死于淮陽董仲舒裁為諸侯之相而殺獨  
遭聖明不離釐黜當世之士咸曰為榮殺雖身偏有風疾而志氣  
聰明一州品第不足勞其思慮殺疾惡之心小過主者必疑其論  
議傷物故高其優禮令去事實此為機閣殺使絕人倫之路也臣  
州茂德惟毅越殺不用則清談倒錯矣晉書劉毅傳司徒舉毅為  
青州大中正尚書曰毅雖  
車致仕不宜勞曰碎務  
陳畱相樂安孫尹表

朱則

則會稽相

上書言楊泉

楊泉清操自然。徵聘終不移心。書鈔六十  
三引晉錄

甘卓

卓字季思。丹陽人。太康中。爲郡主簿。功曹。察孝廉。舉秀才。爲吳  
王常侍。惠帝時。賜爵都亭侯。東海王越引爲參軍。出補離狐令。  
棄官歸。元帝鎮江東。授前鋒都督。揚威將軍。歷陽內史。進爵南  
鄉侯。拜豫章太守。遷湘州刺史。進封于湖侯。中興初。遷安南將  
軍。梁州刺史。假節督河北諸軍。鎮襄陽。王敦舉兵。遷鎮南大將  
軍。侍中。都督荆梁二州。荊州牧。爲周慮所殺。太監中追贈驃騎  
將軍。諡曰敬。

上疏請不試秀才

蒼問損益。當須博通古今。明達政體。必求諸墳索。乃堪其舉。臣所

泰州往遭寇亂學校久替人士流播不得比之餘州策試之由當藉學功謂宜同孝廉例申與期限

晉書廿卓傳

周馥

馥字祖宣汝南安成人泰康中爲諸王文學累遷司徒王渾左西屬補尚書郎惠帝時遷司徒左長史吏部郎轉御史中丞侍中拜徐州刺史加冠軍將軍假節徵爲廷尉大駕幸鄴守河南尹遷司隸校尉加散騎常侍假節都督諸軍事代劉準爲鎮東將軍懷帝初已平陳敏功封永寧伯東海王越召之不行尋上書請遷都壽春忤越見攻永嘉五年眾潰憂憤發病卒

上書請遷都壽春

不圖厄運遂至于此戎狄交侵畿甸危逼臣輒與祖納裴憲華譚孫惠等三十人伏思大計僉曰殷人有屢遷之事周王有岐山之徙方今王都罄乏不可久居河朔蕭條崤函險阻宛都屢敗江漢

多虞于今平夷東南爲愈淮揚之地北阻塗山南抗靈嶽名川四帶有重險之固是日楚人東遷遂宅壽春徐邳東海亦足戍禦且運漕四通無患空乏雖聖上神聰元輔賢明居儉守約用保宗廟未若相土遷宅已享永祚臣謹選精卒三萬奉迎皇駕輒檄前北中郎將裴憲行使持節監豫州諸軍事東中郎將風馳卽路荆湘江揚各先運四年米租十五萬斛布絹各十四萬匹已供大駕令王浚荀晞共平河朔臣等戮力日啟南路遷都弭寇其計竝得皇輿來巡臣宜轉據江州日恢王略知無不爲古人所務敢竭忠誠庶報萬分朝遂夕隕猶生之願

晉書周馥傳永嘉四年與長史吳思司馬殷議上言

敕

參軍杜夷優遊養素

文選謝宣遠歲馬臺送孔令詩注

周顗

顗字伯仁襁從子武帝時襲父浚爵成武侯拜祕書郎惠帝時



累遷尚書吏部郎尋爲東海王越子毗鎮軍長史元帝鎮江左請爲軍諮祭酒拜寧遠將軍荊州刺史領護南蠻校尉假節杜弢反出奔豫章召爲揚威將軍兗州刺史未行復爲軍諮祭酒轉右長史中興建補吏部尚書坐事免太興初拜太子少傅轉尚書左僕射領吏部尋代戴淵爲護軍將軍永昌初爲王敦所殺明帝時追贈左光祿大夫儀同三司諡曰康有集二卷

讓太子少傅疏

臣退自循省學不通一經智不效一官止足良難未能守分遂忝顯任名位過量不悟天鑒忘臣頑弊乃欲使臣內管銓衡外忝傳訓質輕蟬翼事重千鈞此之不可不待識而明矣若臣受負乘之責必貽聖朝惟塵之恥俯仰愧懼不知所圖

晉書周顗傳

復肉刑議

復肉刑已代死誠是聖王之至德哀矜之弘私

通典作復

然竊已爲刑

罰之輕重隨時而作時人少罪而易威則從輕而寬之時人多罪而難威則宜死刑而濟之肉刑平世所應立非救弊之宜也方今聖化草創人有餘妖習惡之徒爲非未已截頭絞頸尙不能禁而乃更斷足剔鼻輕其刑罰使欲爲惡者輕犯寬刑蹈罪更眾是爲輕其刑呂誘人于罪殘其身呂加楚酷也昔之畏死刑呂爲善人者今皆犯輕刑而殘其身畏重之常人反爲犯輕而致困此則何異斷別常人呂爲恩仁邪受刑者轉廣而爲非者日多踊貴履賤有鼻者醜也徒有輕刑之名而實開長惡之源不如呂殺止殺重呂全輕權小停之須聖化漸著兆庶易威之日徐施行也

晉書刑法志通

典一百六十八  
尚書周顗等議

周嵩

嵩字仲智顗弟元帝爲丞相引爲參軍及爲晉王又拜奉朝請呂諫稱尊號忤旨出爲新安太守臨發收付廷尉尋除廬陵太

守未行拜御史中丞王敦曰爲從事中郎尋遇害敦平追贈大鴻臚有集三卷

王晉王疏

臣聞取天下者常曰無事及其有事不足曰取天下故古之王者必應天順時義全而後取讓成而後得是曰享世長久重光萬載也今議者曰殿下化流江漢澤被六州功濟蒼生欲推崇尊號臣謂今梓宮未反舊京未清義夫泣血士女震動宜深明周公之道先雪社稷大恥盡忠言嘉謀之助曰時濟弘仁之功崇謙讓之美推後已之誠然後揖讓曰謝天下誰敢不應誰敢不從

晉書周處傳又羅願

新安志九

諫疏忌王導等疏

臣聞明君思隆其道故賢智之士樂在其朝忠臣將明其節故量時而後仕樂在其朝故無過任之譏將明其節故無過寵之諛是

曰君臣並隆功格天地近代以來德廢道衰君懷術臣挾利曰事君君臣交利而禍亂相尋故得失之迹難可詳言臣請較而明之夫傳說之相高宗申召之輔宣王管仲之佐齊桓衰范之翼晉文或宗師其道垂拱受成委曰權重終致匡主未有憂其逼己還爲國蠹者也始田氏擅齊王莽篡漢皆藉封土之彊假累世之寵因闇弱之主資母后之權樹比周之黨階絕滅之勢然後乃能行其私謀曰成篡奪之禍耳豈遇立功之主爲天人所相而能運其姦計曰濟其不軌者哉光武曰王族奮于閭閻因時之望收攬英奇遂續漢業曰美中興之功及天下既定頗廢黜功臣者何哉武力之士不達國體曰立一時之功不可久假曰權勢其興廢之事亦可見矣近者三國鼎峙並曰雄略之才命世之能皆委賴俊哲終成功業貽之後嗣未有愆失遺方來之恨者也今王導王廙等方之前賢猶有所後至于忠素竭誠義曰輔上共隆洪基翼

成大業亦昔之亮也。雖陛下乘奕世之德，有天子之會，割據江東，奄有南極，龍飛海嶠，興復舊物，此亦羣才之明，豈獨陛下之力也？今王業雖建，羯寇未梟，天下蕩蕩，不賓者眾，公私匱竭，倉庾未充，梓宮沈淪，妃后不反，正委賢任能，推轂之日也。功業垂就，晉祚方隆，而一旦聽孤臣之言，惑疑侶之說，乃更曰危爲安，曰疏易親，放逐舊德，曰佞伍賢，遠虧既往之明，顧傷伊管之交，傾巍巍之望，喪如山之功，將令賢知杜心，義士喪志，近招當時之患，遠遺來世之笑。夫安危在號令，存亡在寄任，曰古推今，豈可不寒心而哀歎哉？臣兄弟受遇，無彼此之嫌，而臣干犯時諱，觸忤龍鱗者何？誠念社稷之憂，欲報之于陛下也。古之明王，思聞其過，悟逆旅之言，曰明成敗之由，故採納愚言，曰攷虛實，上爲宗廟無窮之計，下收億兆元元之命，臣不勝憂憤竭愚，曰聞。

晉書周嵩傳

周謨

謨小字阿奴。顓弟。歷仕元帝。至明帝時。爲後軍將軍。成帝時。爲少府丹楊尹。侍中中護軍。封西平侯。卒。贈金紫。光祿大夫。諡曰貞。

上疏請周顓贈諡

臣亡兄顓。昔蒙先帝顧眄之施。特垂表啟。已參戎佐。顯居上列。遂管朝政。竝與羣后共隆中興。仍典選曹。重蒙寵授。忝位師傅。得與陛下揖讓抗禮。恩結特隆。加已鄙族。結婚帝室。義深任重。庶竭股肱。已報所受。凶逆所忌。惡直醜正。身陷極禍。忠不忘君。守死善道。有隕無二。顓之云亡。誰不痛心。況臣同生。能不哀結。王敦無君。由來實久。元惡之甚。古今無二。幸賴陛下聖聰神武。故能摧破凶彊。撥亂反正。已寧區宇。前軍事之際。聖恩不遺。取顓息閔。得充近侍。臣時面啟。欲令閔還襲臣亡父侯爵。時卞壺庾亮竝侍御坐。壺云。事了當論顯贈。時未淹久。言猶在耳。至于譙王承。甘卓已蒙清復。

王澄久遠猶在論議況顓忠已衛主身死王事雖稀紹之不違雖  
何已過之至今不聞復封加贈豈顯之言不知顓有餘責獨負殊  
恩爲朝廷急于時務不暇論及此臣所已痛心疾首重用哀歎者  
也不勝辛酸冒陳愚款晉書別傳

王鈐

鈐疑當太康中爲博令案晉書王隱陳郡陳人父鈐歷陽令晉

屬南陽南足虎爲南陽所獻疑當作博望令

送兩足虎文

般般白虎觀斲荆楚孫吳不逞金皇赫怒梅鼎祚西晉文紀引王

送兩足虎時尙書郎索靖議稱半虎博令王鈐爲文案王隱書

亡于唐末此文唐人未經引見不知龍賦何據也問元占經一百

十六引晉雜事太康六年南陽獻兩足虎注云干寶曰虎金精南

陽火也金入火則王室亂妖也又引王隱晉書中宗詔問王隱曰

荆州送兩足虎其欲何爲也隱曰謹案先臣鈐傳太康時獻兩足

虎因作歌詩曰謙鈐意已晉金行也金在西方其獸爲虎虎有四

王隱

隱字處叔銓子太興初爲著作郎太寧初賜爵平陵鄉侯呂諡免有晉書九十三卷集二十卷

議向雄事

禮雖云君不君臣不可已不臣當爲小惡也三諫不從則去不見齒于其君則不敢立其朝至如仲子稱人曰國士遇我我曰國士報之人曰凡人遇我我曰凡人報之此猶輕于戎首則可逢而避之至死不往可也雄無詔敕逢避未可非也通典九十九

白征西大將軍論復肉刑

夫政未可立則思制度全育民命富國強兵叛盜之屬斷肢而已是好生惡殺叛盜皆死是好殺惡生也斷肢若謂之酷截頭更不謂之虐何其乖哉刑罰不中則民無所措手足也蠻夷徭夏則泉陶作士此欲善其末則先制其本也自古多人猶惜民命得已御



民下民  
字衍

寇況今千不遺一、益宜存在、自伐大賊、今若得改之、則歲所活數萬、殺亦如之、若此千載生各數萬、斲肢之後、隨而使役、不失民、民不乏用、富國強兵、此之謂也。御覽六百四十  
八引王隱書

筆銘

初學記  
作筆賦

豈作其筆、必免之毫、調利雖禿、亦有鹿毛。

藝文類聚五十八  
初學記二十二

郭太機

太機、河南人。

果賦

杏或冬而實。

御覽九百  
六十八

陸冲

冲、爲揚州從事、有集二卷。

風賦

爰太玄之遐始、惟浮沈之剖分、詳乾坤之至德、莫風氣之獨尊、配

無形于大象，化萬品于烟燼，釋凝潤于黃壤，降霜澤于蒼元，生無常域，潛無定棲，擢味聚發，尋虛散歸，肆六合曰騁遊，括毫毛而徘徊，引沈性于未萌，挫登形于已就，宣剛柔之流化，導四體之靈候，若乃祝融司節，炎精赫奕，斂朱脣而長嘯，承音響而來薄，猥煥爛曰盈，屢洲纏繚，曰結幕九域，蕩搖區宇，揮霍裁文類聚一

盧無忌

無忌，范陽人，太康中爲太子洗馬，出爲汲令。

太公呂望表

齊太公呂望者，此縣人也。口口口失其口口，大晉受命，口口口口四海一統，太康二年，縣之西偏有盜發冢，得竹策之書，書藏之年，當秦坑儒之前八十六歲。其周志曰：文王夢天帝服玄襖，曰：立于令狐之津。帝曰：曷賜汝望？文王再拜稽首。太公于後亦再拜稽首。文王夢之之夜，太公夢之亦然。其後文王見太公而訓之曰：而

名爲望乎。荅曰：唯名望。文王曰：吾如有所于見，汝太公言其年月與其日，且盡道其言。臣此曰得見也。文王曰：有之有之，遂與之歸。曰爲卿士。其紀年曰：康王六年，齊太公望卒，參攷年數，蓋壽百一十餘歲。先秦滅學而藏于丘墓，天下平泰而發其潛書，口口所出正在斯邑。豈皇天所曰章明先哲，著其名號光于百代，垂示無窮者矣。于是太公之裔孫范陽盧无忌，自太子洗馬來爲汲令，般谿之下，舊有壇場，口口今墮廢荒而不治，乃畚之碩儒，訪諸朝吏，僉曰：爲太公功施于民，曰勞定國，口之典祀所宜不替。且其山也能興雲雨，財用所出，遂脩復舊祀，口名計偕，口口勒口口。曰章顯烈，俾萬載之後，有所稱述。其辭曰：

於鑠我祖，時惟太公。當殷之末，口德口通。上帝有命，曰錫周邦。公及文王，二夢惟同。上帝口命，若時登庸。遂作心膂，寅亮天工。肆伐大商，克咸厥功。建國胙土，俾侯于東。奮乎百世，聲烈彌洪。般谿之

山明靈所託，升雲降雨，爲膏爲澤，水旱癘疫，是禳是禱，來方禋祀，莫敢不敬，報曰介福，惠我百姓，天地和舒，四氣通正，災害不作，民無天命，嘉生蕃殖，口口遠進，迄用康年，稼穡茂盛，凡我邦域，永世受慶，春秋匪解，無口茲令，太康十年三月丙寅朔十九日甲申造。

碑拓本

陳總

總，太康末，遷殿中侍御史，惠帝時，爲西夷校尉，永康元年，趙廋反，遇害。

奉詔詣終南山請雨文

我嶽大石，佐岳通理，含滋吐潤，惠我四海。初學記五岳第  
九引王隱晉書

步熊

熊字叔羆，陽平發干人，自卜筮名，後爲成都王穎所辟，穎敗，坐誅。

答東哲問

東哲問嫡子爲出母無服母爲子有何服步熊答但爲父後故不得服耳母爲之服周嫡子雖不服外祖猶爲服總麻也通典八十九

東哲問曰繼母嫁從服當立廬不步熊答曰父卒繼母嫁如母居應倚廬通典八十九

東哲問曰有父母喪遭外總麻喪往奔不步熊答曰不得也若外祖父母喪非嫡子可往若姑姊妹喪嫡庶皆宜往奔也通典九十七

東哲問步熊熊答曰禮已除不追耳未除當追服五月通典九十七  
殺服

東哲問步熊曰三年喪不葬五年後復葬當練不熊答曰禮云練祥之間必異月與此同也通典一百三

答問

問妻死更娶爲前妻父母服不答此皆徒從服耳所從亡則已不

服也

通典九十五

劉世明

世明爵里未詳

案通典下條稱東晉徐靈期問張憑則世明爲西晉人

荅陳氏問

陳氏問劉世明曰其餘曰麻終月數者注云謂旁親不指言眾子當除也然人皆分斷之于意不耳劉荅云父謂眾子爲庶子庶子不謂父爲庶父也父得卑其庶子而降之庶子不得降其父也然子之于親體同服等非旁親之謂也喪服大功章女子之嫁者降伯叔父母及姑姊妹注謂此旁親而經無降父之文明眾子及女雖不承嫡猶非旁親也故記云兄弟之喪內除親喪外除外除者謂由外設飾已散其哀也故靈柩未安則服不變服不變則哀未衰未衰之喪不可卒除也然則未葬而除自謂旁親得曰麻終者耳

又問久而不葬葬後幾月日便可除世人有踰月者有既虞便除者夫改葬猶三月乃除情爲不輕于改葬也若應三月乃除者虞帳亦當三月乃毀復有先後耶答曰記云三年而後葬者必再祭注云謂練祥也葬月虞明月練又明月祥記此亦得三月不爲輕于改葬也禮虞而柱楣翦屏練而毀廬居堊室祥而席禴而牀今此虞及練祥雖爲局促猶追償其事若在異月已其本異歲也練祥之服變除之宜宜如其節也

又問云三年而後葬及父在爲母過期乃葬亦當復日中反虞安神位與不答云凡久而不葬則包諸過葬節者也爲母既周亦爲久而不葬矣夫虞所已安神也葬者動棺舉柩新離常處懼鬼神無所依歸所已將寤之間奠于墓左成壙而歸虞于殯宮不忍一日未有歸也今久而不葬棺槨動移鬼神不安無已爲異練祥皆追此亦宜然又記云葬日虞是明文也毀除之節在士虞禮練而

後遷廟不復在殯今此既葬明月練亦當已其月遷廟

通典一百三

仲長敖

敖爵里未詳有集二卷

覈性賦

趙荀卿著書言人性之惡弟子李斯韓非顧而相謂曰夫子之言性惡當矣未詳才之善否何如願聞其說荀卿曰天地之間兆族羅列同稟氣質無有區別裸蟲三百人最爲劣爪牙皮毛不足自衛唯賴詐僞迭相嚼齧總而言之少堯多桀但見商鞅不聞稷契父子兄弟殊情異計君臣朋友志乖怨結鄰國鄉黨務相吞噬臺隸僮豎唯盜唯竊而從背違意與口戾言如飴蜜心如蠶屬未知勝負便相陵蔑正路莫踐竟赴邪轍利害交爭豈顧憲制懷仁抱義祇受其斃周孔徒勞名教虛設蠢爾一槩智不相絕推此而談孰癡孰黠法術之士能不喋論仰則扼腕俯則攘袂荀卿之言未



終韓非越席起舞李斯擊節長歌其辭曰形生有極嗜欲莫限達  
鼻耳開口眼納眾惡距羣善方寸地九折坂爲人作嶮易俄頃成  
此蹇多謝悠悠子悟之亦不晚

蘇文類聚二十一

賜進士出身二品銜廣東等處提刑按察使司按察使兼管驛傳事務閩王毓藻校刊

全晉文卷八十六終

全晉文卷八十七

烏程嚴可均校輯

束皙

皙字廣微，陽平元城人。張華召爲掾，華爲司空，復召爲賊曹屬。轉著作佐郎，遷博士，再遷尙書郎。趙王倫輔政，請爲記室，辭疾歸。有發蒙記一卷，集七卷。

貧家賦

余遭家之憾軻，嬰六極之困屯。恆勤身已勞思，丁飢寒之苦辛。無原憲之厚德，有斯民之下貧。愁鬱煩而難處，且羅縷而自陳。有漏狹之單屋，不蔽覆而受塵。唯曲壁之常在，時弛落而壓鎮。食草葉而不飽，常嗷嗷于膳珍。欲恚怒而無益，徒拂鬱而獨嗔。蒙乾坤之編履，庶無財而有仁。涉孟夏之季月，迄仲冬之堅冰。稍前蹙而窮迫，無衣褐以蔽身。還趨牀而無被，手狂攘而妄牽。何長夜之難曉，

心咨嗟已怨天債家至而相教乃取東而償西行乞貸而無處退

顧影已自憐街賣業而難售遂前至于饑年舉短柄之口掘

此句從御覽

覽七百六十二補

執偏墮之漏網

此句從御覽七百五十七補

煮黃當之草萊作汪洋

之羹饘釜遲鈍而難沸薪鬱絀而不燃至日中而不孰心苦苦而

飢懸丈夫慨于堂上妻妾歎于窻間悲風噉于左側小兒啼于右

邊

藝文類聚三十  
五初學記十八

### 讀書賦

耽道先生澹泊閒居藻練精神呼吸清虛抗志雲表戢形陋廬垂

帷帳已隱几被紈扇而讀書抑揚嘈囋或疾或徐優游蘊藉亦卷

亦舒頌卷耳則忠臣喜詠蓼莪則孝子悲稱碩鼠則貪民去唱白

駒而賢士歸是故重華詠詩已終已仲尼讀易于終身原憲潛吟

而忘賤顏回精勤已輕食倪寬口誦而芸耨買臣行吟而負薪聖

賢其猶莘莘況中才與小人

藝文類聚  
五十五

近遊賦

世有逸民在乎田疇宅爛五畝志狹九州安窮賤于下里寘玄澹而無求乘輦輅之偃蹇駕蘭單之疲牛連提索已爲鞅結斷梗而作鞅攀華門而高蹈渴徘徊而近遊井則兩家共一園則去舍百步貫雞穀于歲首收綏繼于物互其男女服飾衣裳之制名號詭異隨口迭設繫明襦已禦冬脅汗衫已當熱帽引四角之縫裙有三條之殺兒畫啼于客堂設杜門已避吏婦皆卿夫子呼父字及至三農閒隙遶結婚姻老公戴合歡之帽少年著最角之巾類文六十四御覽六百八十七引兩條又六百九十五六百九十六八百九十九著紫裙之裨籠御覽六百九十六多鹽少政書鈔一百四十三格餅正于三播書鈔一百四十四基災不過兩機書鈔一百四十五引兩條勸農賦

惟百里之置吏各區別而異曹。政治民之賤職。美莫當乎勸農。專一里之權。擅百家之勢。及至青幘禁乎游惰。田賦度乎頃畝。與奪在己。良薄浹口。受饒在于肥腴。得力在于美酒。若場功畢。租輸至錄。社長召閭師。條牒所領。注列名諱。則雞豚爭下。壺榼橫至。遂乃定一呂爲十。拘五呂爲二。蓋由熱啖紆其腹。而杜康啗其胃。載文類聚

六十

乃有老閑舊猥。欺狹難覺。時雖被考。不過校督。歌對囹圄。笑向桎

梏。

御覽六百五十

餅賦

禮仲春之月。天子食麥而朝事之籩。煮麥爲饘。內則諸饌。不說餅。然則雖云食麥。而未有餅。餅之作也。其來近矣。若夫安乾炬牧之倫。豚耳狗舌之屬。劍帶案盛。餽餽髓燭。或名生于里巷。或法出乎殊俗。三春之初。陰陽交際。寒氣既消。溫不至熱。于時享宴。則曼頭

宜設吳回司方純陽布暘服縮飲水隨陰而涼此時爲餅莫若薄  
壯商風旣厲大火西移鳥獸氄毛樹木疏枝肴饌尚溫則起漉可  
施玄冬猛寒清晨之會涕凍鼻中霜成口外充虛解戰湯餅爲最  
然皆用之有時所適者便苟錯其次則不能斯善其可已通冬達  
夏終歲常施四時從用無所不宜惟牢丸乎爾乃重羅之麩塵飛  
雪白膠黏筋韌膈滌柔澤肉則羊膈豕脅脂膚相半繡若繩首珠  
連磔散薑株蔥本荖口切判口口剉末椒蘭是畔和鹽漉鼓攪合  
糲亂于是火盛湯涌猛氣蒸作攘衣振掌屋擗拊搏麵彌離于指  
端手縈回而交錯紛紛駁駁星分霞落籠無迸肉餅無流麪姝媼  
咧敕薄而不綻鬚鬕和和腴色外見弱如春絲白如秋練氣勃鬱  
已揚布香飛散而遠遍行人失涎于下風童僕空嚼而斜眄擎器  
者舐唇立侍者乾咽爾乃濯呂玄醢鈔呂象箸伸要虎丈叩膝偏  
據築案財投而輒盡庖人參潭而促遽手未及換增禮復至脣齒

既調口習咽利三籠之後轉更有次

北堂書鈔一百四十四藝文類聚七十二初學記二十六

御覽八  
百六十

奏薦王璞

郡吏王璞初入朝唯冀聖鑒垂采知其絕常耳其可使當戶牖之

對意三公氣萬乘也

北堂書鈔

廣田農議

伏見詔書曰倉廩不實關右饑窮欲大興田農曰審嘉穀此誠有  
虞戒大禹盡力之謂然農穰可致所由者三一曰天時不愆二曰  
地利無失三曰人力咸用若必春無霖霖之潤秋繁滂沱之患水  
旱失中零穰有請雖使羲和平秩后稷親農理疆畛于原隰勤薦  
養于中田猶不足曰致倉庾盈億之積也然地利可曰計生人力  
可曰課致詔書之旨亦將欲盡此理乎今天下千城人多游食廢  
業占空無田課之實較計九州數過萬計可申嚴此防令監司精

察一人失課負及郡縣此人力之可致也。又州司十郡土狹人繁三魏尤甚而猪羊馬牧布其境內宜悉破廢。已供無業業少之人雖頗割徙在者猶多田。諸苑牧不樂曠野食在人閒故謂北土不宜畜牧。此誠不然。案古今之語。已爲馬之所生。實在冀北。大賈犂羊取之清渤。放豕之歌起于鉅鹿。是其效也。可悉徙諸牧。已充其地。使馬牛猪羊。蔬草于空虛之田。游食之人受業于賦給之賜。此地利之可致者也。昔騅駟在垓。史克所已頌。魯僖卻馬務田。老氏所已稱有道。豈利之所已會哉。又如汲郡之吳澤。良田數千頃。汙水停滯。人不墾植。聞其國皆謂通泄之功不足爲難。爲兩成原。其利甚重。而豪強大族惜其魚捕之饒。構說官長。終于不破。此亦谷口之謠。載在史篇。謂宜復下郡縣。已詳當今之計。荆揚兗豫汙泥之土。渠塢之宜。必多此類。最是不待天時而豐年可獲者也。已其雲雨生于畚缶。多稌生于決泄。不必望朝。陟而黃潦臻。滎山川而



霖雨息是故兩周爭東西之流史起惜漳渠之浸明地利之重也  
宜詔四州刺史使謹案呂聞又昔魏氏徙三郡人在陽平頓丘界  
今者繁盛合五六千家二郡田地逼狹謂可徙遷西州呂充邊土  
賜其十年之復呂慰重遷之情一舉兩得外實內寬增廣窮人之  
業呂闢西郊之田此又農事之大益也晉書來  
哲傳  
孫爲庶祖持重議

經云臣服君之祖周此君爲祖三年也是祖有廢疾不襲統也然  
則有爵可傳身不主祭與庶子何異而孫服斬義例昭然大宗之  
地皆稱祖立廟而自爲其子孫所奉卽所謂小宗之緒主其祖父  
之祀豈可自同祧孫不服三年哉通典八  
十八

避諱議

元康七年詔書稱咸寧元年詔下尊諱風伯雨師皆爲訓詁又公  
官文書吏人上事稱引經書者復多迴避使大義不明諸經傳咸

言天神星宿帝王稱號皆不得變易本文但省事言語臨時訓避而已

通典一百四

案風伯之名所由來遠其在漢魏固已有之非晉氏避諱始造此號也若呂異于周禮宜當改則今國家行事神物稱號近代不皆率古蓋亦簡易已從仍舊隨時之制不足悉變唯兩師之名實由避諱宜如舊稱

通典一百四

### 九品議

員外侍郎及給事冗從皆是帝室茂親或貴遊子弟若悉從高品則非本意若精鄉議則必有損

御覽二百二十一引束皙集

### 高祿壇石議

石在壇上蓋主道也夫未詳其置之故而欲必其可除之理理不可然案郊祀志秦漢不祀高祿漢武帝五子傳武帝晚得太子始爲立祿其事未之能審許慎五經異義云山陽民祭皆曰石爲主

然則石之爲主由來尙矣其此象矣而祭禮龜策祭器弊則埋之而改置新石今破則宜埋而更造不宜違廢收集破石積之故處于禮無依于事不肅愚所未安也

隋書禮儀志二通典五十五御覽五百二十九元康八年高祿

壇上石破爲二賊曹屬束皙議

答汲冢竹書釋難書

其後子夏仲尼之徒傳業西河人疑其聖

初學記二十一

立居釋

束皙間居門人竝侍方下帷深譚隱几而吟含毫散藻攷撰同異在側者進而問之曰蓋聞道尙變通達者無窮世亂則救其紛時泰則扶其隆振天維已贊百務熙帝載而鼓皇風生則率土樂其存死則宇內哀其終是已君子屈已伸道不恥干時上國有不索何獲之言周易著躍已求進之辭莘老負金鉉已陳烹割之說齊客當康衢而咏白水之詩今先生耽道脩藝巍然山峙潛朗通微

洽覽深識夜兼忘寐之勤晝勢續立之思曠年累稔不墮其志鱗  
翼成而愈伏術業優而不試乃欲閤匱辭價泥蟠深處永最琳琅  
之耀匿首窮魚之渚當唐年而慕長沮邦有道而反甯武識彼迷  
此愚竊不取若乃士已援登進必待求附勢之黨橫權則林藪之  
彥不抽丹墀步紆袴之童東野遺白顛之叟盍亦因子都而事博  
陸憑鵠首已涉洪流蹈翠雲已駭逸龍振光耀已驚沈鮪徒屈蟠  
于埴井眊天路而不游學既積而身困夫何爲乎祕丘且歲不我  
與時若奔駟有來無反難得易失先生不知肝豫之識悔遲而忘  
夫朋盍之義務疾亦豈能登海湄而抑東流之水臨虞泉而招西  
歸之日徒已曲畏爲桔儒學自桎囚大道于環堵苦形骸于蓬室  
豈若託身權戚憑勢假力擇棲芳林飛不待翼夕宿七娥之房朝  
享五鼎之食匡三正則太階平贊五敎而玉繩直孰若茹藿滄蔬  
終身自匿哉東子曰居吾將導爾已君子之道諭爾已出處之事

爾其明受余訊謹聽余志昔元一旣敗兩儀肇立離光夜隱望舒  
晝戢羽族翔林蠖蛸赴溼物從性之所安士樂志之所執或背豐  
榮曰巖栖或排蘭闥而求入在野者龍逸在朝者鳳集雖其軌迹  
不同而道無貴賤必安其業交不相羨稷契奮庸曰宣道巢由洗  
耳曰避禪同垂不朽之稱俱入賢者之流參名比譽誰劣誰優何  
必貪與二人爲羣而恥爲七人之疇乎且道睽而通士不同趣吾  
竊綴處者之末行未敢聞子之高喻將忽蒲輪而不眴夫何權輿  
之云附哉昔周漢中衰時難自託福兆旣開患端亦作朝遊巍峩  
之宮夕墜崢嶸之壑晝笑夜歎晨華暮落忠不足曰衛己禍不可  
曰豫度是士諱登朝而競赴林薄或毀名自汙或不食其祿比從  
政于匣笥之龜譬官者于郊廟之犧公孫泣涕而辭相楊雄抗論  
于赤族今大晉熙隆六合寧靜蜂蠆止毒熊羆輟猛五刑勿用八  
紘備整主無驕肆之怒臣無簷纓之請上下相安率禮從道朝養

觸邪之獸、庭有指佞之草、禍幾可自忠逃、寵祿可自順保、且夫進  
無險懼、而惟寂之務者、率其性也、兩可俱是、而舍彼趣此者、從其  
志也、蓋無爲可自解天下之紛、澹泊可自救國家之急、當位者事  
有所窮、陳策者言有不入、翟璜不能迴西鄰之寇、平渤海不能正如  
意之立、干木臥而秦師退、四皓起而戚姬泣、夫如是何舍何執、何  
去何就、謂山岑之林爲芳、谷底之稈爲臭、守分任性、唯天所授、鳥  
不假甲于龜、魚不假足于獸、何必笑孤竹之貧、而羨齊景之富、恥  
布衣日肆志、寧文裘而拖繡、且能約其躬、則僇石之穉、日豐、苟肆  
其欲、則海陵之積不足、存道德者、則匹夫之身可榮、忘大倫者、則  
萬乘之主猶辱、將研六籍、日訓世、守寂泊、日鎮俗、偶鄭老于海隅、  
匹嚴叟于僻蜀、且世日太虛、爲輿玄鑑、爲肆神游、莫競之林、心存  
無營之室、榮利不擾其覺、殷憂不干其寐、捐夸者之所貪收、躁務  
之所棄、雄聖籍之荒蕪、總羣言之一至、全素履于丘園、背纓綬而

長逸請子課吾業于千載無聽吾言于今日也

晉書東晉傳

### 補亡詩序

序曰哲與同業時人肆脩鄉飲之禮然所詠之詩或有義無辭旨樂取節闕而不備于是遙想既往思存在昔補著其文曰綴舊制

文選補亡詩注

### 失題

零露垂林非綴冕之飭薄冰凝池非登廟之寶

北堂書鈔一百五十二御覽十二引

東晉集

必將採素璧于層山探圓珠于重泉也

員外郎皆帝室茂親貴游子弟

北堂書鈔

### 弔蕭孟恩文

東海蕭惠字孟恩者父昔為御史與哲先君同僚孟恩及哲日夕同遊分義蚤著孟恩夫婦皆亡門無立嗣哲時有伯母從兄之憂

未得自往致文一篇，曰：弔其魂，并脩薄奠。其文曰：

舊友人陽平東哲，謹請同業生李察、奉脯脩一束、麥糲一器，曰：致祠于處士蕭生之墓。曰：嗚呼哀哉！精爽遐登，形骸幽匿，有邪亡邪？莫之能測。敬薦薄饋，魂兮來食。孟恩、孟恩，豈猶我識？御覽四百十

弔衛巨山文

元康元年，楚王瑋矯詔舉兵，害太保衛公及公四子三孫。公世子黃門郎巨山與哲有交好，時自本郡來赴其喪，作弔文一篇，曰：告其樞曰：

同志舊友陽平東哲，頃聞飛虎肆暴，竊矯皇制，禍集于子，宗祏幾滅。越自冀方，來赴來祭，遙望子第，銘旌絳立。旣闕子庭，其殯盈十徘徊，感慟載號，載泣斂袂升階。子不我揖，引袂授祛；子不我執，哀哉魂兮于焉。迺集。御覽五百九十六

發蒙記總論王肅聖證論



春夏封諸侯

月令所紀非一王之制凡稱古者無遠近之限未知夏封諸侯何代之典秋祭田邑夏乎殷乎而王據月令曰非祭統鄭宗祭統而疑月令無乃俱未通哉莫若通呂三代說兩氏而不俱一也通典七十

一引束  
哲總論

嫁娶時月

春秋二百四十年魯女出嫁夫人來歸大夫迎女天王娶后自正月至十二月悉不目得時失時爲褒貶何限于仲春季秋曰相非哉夫春秋舉秋毫之善貶纖介之惡故春狩于邱書時禮也夏城申丘書不時也此人間小事猶書得時失時況婚姻人倫端始禮之大者不譏得時失時不善者邪若婚姻季秋期盡仲春則隱二年冬十月夏之八月未及季秋伯姬歸于紀周之季春夏之正月也桓九年春季姜歸于京師莊二十五年六月夏之四月也已過

仲春伯姬歸于紀或出盛時之前或在期盡之後而經無貶文三傳不譏何哉凡詩人之興取義繁廣或舉譬類或稱所見不必皆可占定候也又案桃夭篇敘美婚姻曰時蓋謂壯盛之時而非日月之時故灼灼其華喻盛壯壯非爲嫁娶當用桃夭之月其次章云其葉蓁蓁有實其實之子于歸此豈在仲春之月乎又標有梅三章注曰夏之向晚迨冰未泮正月曰前草蟲嚶嚶末秋之時或言嫁娶或美男女及時然詠各異矣周禮曰仲春會男女之無夫家者蓋一切相配合之時而非常人之節曲禮曰男女非有行媒不相知名故日月曰告君齋戒曰告鬼神若常人必在仲春則其日月有常不得前卻何復日月曰告君乎夫冠婚笄嫁男女之節冠曰二十爲限而無春秋之期笄曰嫁而設不曰日月爲斷何獨嫁娶當繫于時月乎王肅云婚姻始于季秋止于仲春不言春不可曰嫁也而馬昭多引春秋曰爲之證反詩相難錯矣兩家俱失

義皆不通。通年聽婚。蓋古正禮也。通典五十九

賜進士出身。二品銜廣東等處提刑按察使司按察使兼管驛傳事務黃岡王毓藻校刊

全晉文卷八十八

烏程嚴可均校輯



賀循

循字彥先，會稽山陰人。吳中書舍郎，子太康中，國相丁父請爲五官掾，刺史稽喜舉秀才，除陽羨令。後爲武康令，惠帝時召補太子舍人。趙王倫篡位，轉侍御史，辭疾去。後除南中郎長史，不就。元帝承制，曰：「爲軍諮祭酒。」建武初，拜太常，及踐阼，拜太子太傅，改授左光祿大夫，開府儀同三司。大興二年卒，贈司空，諡曰穆。有喪服譜一卷，喪服要記十卷，集二十卷。

上表言車騎大將軍未葬，不應作鼓吹。

鼓吹之興，雖本爲軍之凱樂，有金革之音，于宮庭發明大節，曰此爲威與樂實同。案禮于貴臣比卒，哭不舉樂，今車騎未葬，不宜作也。

通典一百四十七

上言諸經宜分置博士

尚書被符經置博士一人又多故麻紀儒道荒廢學者能兼明經義者少且春秋三傳俱出聖人而義歸不同自前代通儒未有能通得失兼而學之者也況今學義甚積不可令一人總之今宜周禮儀禮二經置博士二人春秋三傳置博士三人其餘別經置一人合八人

通典五十三

上尚書定父子生離服制

二親生離吉凶未分服喪則凶事未據從吉則疑于不存心憂居素蓋出人情非官制所裁也右丞蔡謨則奔喪禮有除喪而後歸則未有奔除服之文也宜申明明告下若直據東關之事非聖人所行恐不足已釋疑也

通典九十八

禮奔喪除而後歸者自謂喪葬如禮限于君命者耳若屍靈不收葬禮不成則在家與在遠俱不得除也況或必須求覓日其喪禮

謨下則  
字掌  
引

待已而成者邪。若別曰爲義未足。曰服人心也。直曰禍難未銷。不可終身居服。故隨時立制。爲之義斷。使依東闕故事。大將軍上事。謂可從也。通典九十  
人循重議

荅尚書下太常祭祀所用樂名

魏氏增損漢樂。曰爲一代之禮。未審大晉樂名。所曰爲異。遭離喪亂。舊典不存。然此諸樂。皆和之曰鐘律。文之曰五聲。詠之于歌詞。陳之于舞列。宮縣在下。琴瑟在堂。人音迭奏。雅樂並作。登歌下管。各有常詠。周人之舊也。自漢氏曰來。依放此禮。自造新詩而已。舊京荒廢。今旣散亡。音韻曲折。又無識者。則于今難曰意言。宋書樂志一

左初立宗廟。尚書下太常祭祀所用樂名。太常賀循荅

荅尚書符問藉田應躬祠先農不

漢儀無正有至尊。應自祭之文。然則周禮王者祭四望則毳毼祭社稷五祀則絺冕。曰此不爲無親祭之義也。宜立兩儀注。晉書禮志上

全晉文卷八十八  
二  
潁川豫章廟主不毀議

禮兄弟不相爲後，不得曰承代爲世。殷之盤庚不序陽甲，漢之光武不繼成帝，別立廟寢，使臣下祭之。此前代之明典，而承繼之著義也。惠帝無後，懷帝承統，弟不後兄，則懷帝自上繼世祖，不繼惠帝，當同殷之陽甲。漢之成帝，議者曰聖德冲遠，不便改舊，茲如此禮，通所未論。是曰惠帝尚在太廟，而懷帝復入，數則盈八，盈八之禮，由惠帝不出，非上祖宜遷也。下世旣升，上世乃遷，遷毀對代，不得相通。未有下升一世，而上毀二世者也。惠懷二帝俱繼世祖，兄弟有親，同爲一世，而上毀二爲一世，今日惠帝之崩，已毀豫章懷帝之人，復毀潁川，如此則一世再遷，祖位橫折，求之古義，未見此例。惠帝宜出，尚未輕論，況可輕毀一祖而無義例乎？潁川旣無可毀之理，則見神之數，居然自八，此盡有由而然，非謂數之常也。旣有八神，則不得小于七室之外，權安一位也。至尊于懷惠俱是兄。

弟自上後世祖不繼二帝則二帝之神行應別出不爲廟中恆有八室也又武帝初成太廟時正神止七而楊元后之神亦權立一室永熙元年告世祖謚于太廟八室此是苟有八神不拘于七之舊例也又議者曰景帝俱已在廟則惠懷一例景帝威德元功王基之本義著祖宗百世不毀故所曰特在本廟且亦世代尚近數得相容安神而已無逼上祖如王氏昭穆旣滿終應別廟也曰今方之旣輕重義異又七廟七世之親昭穆父子位也若當兄弟有滿輒毀上祖則祖位空懸世數不足何足于三昭三穆與太祖之廟然後成七哉今七廟之義出于王氏從禰曰上至于高祖親廟四世高祖曰上復有五世六世無服之祖故爲三昭三穆并太祖而七也故世祖郊定廟禮京兆潁川曾高之親豫章五世征西六世曰應此義今至尊繼統亦宜有五六世之祖豫章六世潁川五世俱不應毀今旣云豫章先毀又當重毀潁川此爲廟中之親惟



從高祖曰下無復高祖曰上二世之祖于王氏之義三昭三穆廢缺其二甚非宗廟之本所據承又違世祖祭征西豫章之意于一王定禮所闕不少晉書賀循傳

追尊琅邪恭王爲皇考議

案禮子不敢曰己爵加父

晉書賀循傳

禮典之義子不敢曰己爵加其父號

宋書禮志四

追諡周處議

處履德清方才量高出歷守四郡安人立政入司百寮貞節不撓在戎致身見危授命此皆忠賢之茂實烈士之遠節案諡法執德不回曰孝

晉書周處傳

廣昌鄉君喪停冬至小會議

案古者臣義重雖曰至尊之義降而無服三月之內猶錫縗曰居不接吉事故春秋晉大夫智悼子未葬平公作樂杜蕢譏之咸宣

詔書宜爲定制

丁潭爲琅邪王哀終喪議

禮天子諸侯俱曰至尊臨人上下之義君臣之禮自古以來其例一也故禮威則竝全其重禮殺則從其降春秋之事天子諸侯不行三年至于臣爲君服亦宜曰君爲節未有君除而臣服君服而臣除者今法令諸侯卿相官屬爲君斬衰既葬而除曰令文言之明諸侯不曰三年之喪與天子同可知也君若遂服則臣子輕重無應除者也若當皆除無一人獨重之文禮有攝主而無攝重故大功之親主人喪者必爲之再祭練祥曰大功之服主人三年喪者也苟謂諸侯與天子同制國有嗣王自不全服而人主居喪素服主祭三年不攝吉事曰尊令制若當遠迹三代令復舊典不依法令者則侯之服貴賤一例亦不得唯一人論

晉書丁潭傳潭爲琅邪王哀郎中令

會哀死潭上書請終喪賀循議

嗣新蔡王滔不得還嗣章武議

章武新蔡俱承一國不絕之統義不得替其本宗而先後傍親案滔既已被命爲人後矣必須無復兄弟本國已絕然後得還所生今兄弟在遠不得言無道理雖阻復非絕域且鮮卑恭命信使不絕自宜詔下遼東依劉羣盧諶等例發遣令還繼嗣本封謂滔今未得便委離所後也晉書安平王孚孫河間王洪傳洛陽陷章武王亦與其兄俱沒後得南還與新蔡太妃不協太興二年上疏曰兄弟並沒在遼東章武國絕宜還所生太妃訟之事下太常太常賀循

弟兄不合繼位昭穆議

建武中尚書符云武皇帝崩遷征西府君惠皇帝崩遷章郡府君懷帝入廟當遷潁川府君賀循議古者帝各異廟廟之有室曰象常居未有二帝共處之義也如惠懷二主兄弟同位于禘祫之禮會于太祖自應同列異坐而正昭穆至于常居之室不可曰尊卑

之分義不可黷故也。昔魯夏父弗忌躋僖公于閔上。春秋謂之逆祀。僖公閔之庶兄。閔公先立。嘗爲君臣故也。左氏傳曰。子雖齊聖。不先父食。懷帝之在。惠帝代居藩積年。君臣之分也。正位東宮。父子之義也。雖同歸昭穆尊卑之分。與閔僖不異。共室褻黷。非殊尊卑之禮。曰古義論之。愚謂未必如有司所列。惠帝之崩。當曰遷章郡府君。又曰懷帝入廟。當遷潁川府君。此是兩帝兄弟各遷一祖也。又主之迭毀。曰代爲正。下代旣并。則上代稍遷。代序之義也。若兄弟相代。則共是一代。昭穆位同。不得兼毀二廟。禮之常例也。又殷之盤庚不序陽甲之廟。而上繼先君。曰弟不繼兄故也。旣非所繼。則廟應別立。由此言之。是惠帝應別立。上祖宜兼遷也。故漢之光武不入成帝之廟。而上繼元帝。義取于此。今惠懷二帝不得不上居太廟。潁川未遷。見位餘八。非祀之常。不得于七室之外。假立一神位。通典五十一

又議

殷人六廟比有兄弟四人襲爲君者便當上毀四廟乎如此四代之親盡無復祖禰之神矣又案殷紀成湯曰下至于帝乙父子兄弟相繼爲君合十二代而正代唯六易乾鑿度曰殷帝乙六代王也曰此言之明不數兄弟爲正代

通典五十一

遭難未葬入廟議

懷帝梓宮未反遭時之難故事非常不得已常禮自拘宜曰時入太廟修祭祀之禮

通典五十一懷帝蒙塵崩于平陽梓宮未反京師元帝立廟之時欲遷入廟喪已過三年太常

賀循

在喪者不祭議

禮在喪者不祭祭吉事故也其義不但施于生人亦祖禰之情同其哀戚故云于死者無服則祭也令人若有服祭祀如故吉凶相于非禮意也

通典五十二

出後子爲本親服議

案喪服制曰爲人後者爲兄弟降一等報于所爲後之子兄弟若子時人論者多曰爲後者子孫皆計本親而降意所不安或曰嫡子不爲人後者直謂己嫡不曰出後當曰支子耳無明于後者之子見捨本親何曰言不得爲人後邪荅曰五服之制其屬有六一去本繫曰名爲正名正則男女有別上下不悖若假之曰號者則輕其權定之曰名者則尊其統故曰有嫡子者無嫡孫何爲言無正曰不得名之不得名之則卑其服若得名之則重其制此之有無尊卑之宜則是彼之後者嫡庶之例也至于庶子爲後稱名不言孝爲殯而祭曰其尚有一志不專故也其子則定名而處廟曰爲援情可制此義宜悖故也豈非顧木有己復統有節哉或曰所後在五服之外父制周年而已無服疏親戚之恩非先賢之意也荅曰何爲其然禮有節權恩義相厚爲所生無絕道其餘皆宜權

業通典室字  
作財

案通典作  
又父報出字  
誠足疏已  
祠彼  
則下之字  
當作知

制也。夫初出後者，離至親之側，爲別宗之冑。闕晨昏之勸，廢終養之道。顧復之恩，靡報罔極之情，莫伸義雖從于爲後，恩實降于本親。故有一降之差，若能專心所繼，後者之子上有所承，于今爲同室之密。顧本有異門之疏，若曰父服，輒當後者，至于生不及祖父，母諸昆弟，父有重制而已無服，又出母齊衰而杖，其子又不從服，今出後者，于父母乃爲不杖之周，恐其子不得反重也。禮失于煩，故約曰取通。是曰後者之子，出母之孫，其禮闕而不載，生在他邦，父已不稅其義，幽而不彰。既曰不疑父之出母，何獨遲疑別宗之祖耶？服之所降，其品有四：君大夫曰尊降，公子大夫之子曰厭降，公之昆弟曰有尊降，爲人後者女子嫁者曰出降，四降之名同止一身，出之者子，豈當獨曰爲傳代稱乎？生長于外，不得言出，猶繼父未嘗同居，不爲異也。又報父出乎誠，是居已稠役，子曰父爲疇，則之所天在此，初出情親，故不奪其親而與其降，承出之後，義

漸輕疏而絕其恩。絕其恩者。曰一其心。其心一則所後親所後親則祭祀敬。祭祀敬則宗廟嚴。宗廟嚴則社稷重。重社稷曰尊百姓。齋一身曰肅家道。此殆聖人之意也。通典九十六

師弟子相爲服議

如朋友之禮異者。雖出行猶經。所曰尊師也。案禮記夫子之喪。門人疑所服。子貢曰。昔夫子喪。顏回若喪子而無服。請喪夫子若喪父而無服。于是門人廬于墓所。心喪三年。蓋師徒之恩重也。無服者。謂無正喪之服也。孔子之喪。二三子皆經而出。注曰爲師也。然則凡弔服加麻者。出則變服矣。通典一百一

琅邪世子諡議

諡者。所曰表功行之目也。故古者未居成人之年。及名位未備者。皆不作諡也。是曰周靈王太子聰。哲明智。年過成童。亡猶無諡。春秋諸侯卽位之年。稱子。踰年稱君。稱子而卒。皆無諡。名未成也。未



成爲君既無君諡時見稱子復無子諡明俱未得也唯晉之申生  
呂仁孝遭命年過成人晉人悼之故特爲諡諸國無例也及至漢  
代雖遵茲義過于古禮然亦未有未踰年之君而立諡也殤沖二  
帝皆已踰年方立諡案哀沖太孫各呂幼齡立諡不必依古然皆  
卽位臨官正名承重與諸下定君臣之義尊成體具事無所屈且  
天下之名至重體其尊者亦宜殊禮故隨時定制有立諡之事也  
琅邪世子雖正體乎上生而全貴適可明嫡統之義未足定爲諡  
之證也通典一百四琅邪世子未周而卒大司農表琅  
邪世子降君一等宜諡哀愍太常賈誼云云

賤

日夜憂懷慷慨發憤文選齊安陸王璠  
注引臧榮緒晉書

報虞預書論楊方

此子開拔有志意只言異于凡猥耳不圖偉才如此其文甚有奇  
分若出其胸臆乃是一國所推豈但牧豎中逸羣邪間處舊黨之

中好有謙沖之行此亦立身之一隅然世衰道喪人物凋弊每聞一介之徒有向道之志冀之願之如方者乃荒榮之特苗南田之善秀委質已良但沾染未足耳移植豐壤必成嘉穀足下才爲世英位爲朝右道隆化立然後爲貴昔許子將拔樊仲昭于賈豎郭林宗成龐德公于畎畝足下志隆此業二賢之功不爲難及也晉楊方傳虞預曰方所爲文示循循報書

荅王導書論虞廟

漢光武于屬曰元帝爲父故于昭穆之敘使居成帝之位而遷成帝之主于長安高廟今聖上于惠帝爲兄弟亦當居惠帝之位而上繼武帝惠帝亦宜別廟則虞妣廟位當曰此定通典四十七

孝

愚曰尊王既當天之正統而未盡震居之極稱既名稱未極更于事宜爲難或謂可立別廟使進退無犯意謂曰尊意所重施于今宜如有可爾理若全尊尊備昭穆既正則俯從定位亦無拘小別

然非常禮無所取準于名則未滿于禮則變常竊已戴所斟酌于人情爲未安

通典四十七

與王導書

世祖武皇帝初成太廟時正神既七而有楊元后之神時亦權立一室永熙元年告世祖諡于太廟八室刁協案元皇后于太廟東陰室中安神主不增立一室

通典四十八

答王導書

愚謂告四祖之廟而行蜀書劉先主初封漢王時羣臣共奏上勳德承日卽位今雖事不正同然議可方論

通典五十五

又答王導書

古禮及漢氏之初皆帝帝異廟卽位大事謁于太祖故晉文朝于武宮漢文謁于高廟也至光武之後唯有高宗兩廟而已祖宗兩廟昭穆皆共堂別室魏晉依之亦唯立一廟則一廟之中苟在未

毀恐有事之日不得偏有不告然人不詳太廟定議不敢必據欲  
依古禮唯告宣帝一廟今意曰祖宗非一但太廟合共事與古異  
不得已古禮爲斷

通典五十五

荅尚書符問

尚書符問太常賀循太廟制度南向七室北向陰室復有七帝后  
應共處七室埒中當別處陰室循上曰謹案后配尊于帝神主所  
居同太室

通典四十八

循又案漢儀藏主于室中西牆壁埒中去地六尺一丈當祠則設  
座于埒下禮天子達嚮者牖也謂夾戶之窗古者帝后異廟今者  
共堂別室制度不同疑室戶亦異又案古禮神主皆盛曰后函余  
薦籍文不備見

通典四十八

荅訪琅邪敬后改神主

琅邪王妃敬后前薨而王後纂統追加諡號改神主訪賀循云琅

邪典祠令孫文立議使者奉主及册命詣中閣中人受取入內易著石函中故主留于廟閣新主出廟國官拜送如文議則非于行廟受册循荅曰崇諡敬后宜立行廟曰主后之號有加常尊輕重不同則宜禮有變故既立行廟則常主宜出居座位臨加册諡而竝易曰新主則主宜還埋故廟兩階之間通典四十八

荅傳純難

傳純難曰案雜記本文已在小功則得冠在大功不得冠也鄭氏云已大功卒哭曰冠與本文不同何耶又要記不見已冠不知已冠當在何條賀循荅曰禮云大功小功之末可曰冠娶道父子爲嫌但施于子不施于已故下言已雖小功著已與子亦同也俱同則大功之末已可曰冠曰理推之正自應爾非爲與本文不同要記不見已冠直是文句脫耳通典五十六

荅傳純問改葬服

鄭玄云三月者曰親觀尸柩故三月曰序其餘懷但遲速不可限故不在三月章也王氏虞畢而除且無正文鄭得從重故要記從之

荅傳純問

傳純問賀循曰要記云庶兄弟既死之後各自爲一宗之祖其嫡繼之各爲大宗此是大傳所謂別子爲祖者也然則別子有十便爲十祖宗也而母弟之後獨無大宗母弟本重而後輕庶弟本輕而後重其義可乎又王氏曰別子爲祖諸侯母弟則不盡爲祖也杜氏曰爲始封之君別子一人爲祖二家不同願問其說荅曰君之母弟與羣庶兄弟爲別子之後俱爲大宗而難云母弟之後獨無大宗不審此義何所承乎曰僕所言母弟爲宗不應有疑則本輕後重之難無所施也又案禮別子爲祖不限前後此爲每公之子皆別子也則魯之三桓鄭之七族盡其人矣王杜二義不同者

二儒通識不應有誤。倘所言者自有所施，不見其文，淺學所見，謂如上義。傳又問曰：大傳云：其士大夫之嫡公子之宗道也。請解之。答曰：士大夫者，謂庶昆弟之在位也。其士大夫之嫡者，謂公子之子孫。各祖其別子。大宗之道又由此而成。故重言公子之宗道也。

通典七

十三

各庾亮問

庾亮問賀循曰：案禮宗子之服傳代不遷，所曰重其統也。是曰祖宗之正不易，則本枝昭穆歷代而不亂。此立宗之大旨也。然則士大夫及諸侯事于典禮者，服宗之義，便應相放矣。而禮祖宗之文，唯著諸侯別子不列卿大夫之制，不審此由。諸侯君其族人，族人不得宗其君，故祖宗之制指爲此歟？自卿大夫已下，與其宗黨無君臣之懸，則宗黨統有常嫡，服宗有成例，故不得別著其制也。將由卿大夫位卑，則宗服之制厭宗嫡，無不遷服，紀止五族，故不復

別見其義也。今既無士大夫依諸侯別子之明文，又不見無得立宗之定制，而頃者自來，諸私服于宗嫡者，無服者則制總，有服者無加，又不詳此爲各目，非開國代封之家，故避嫌謙而不敢私重其宗邪？將此之由，自有所承，願告旨要。答曰：禮宗子之義，所曰明本祖之正統，紀百代而不紊者也。而宗之義委曲著見者，多在別子，非卿大夫之文，偏不詳悉。服之致疑，有如來旨。然舊義雖非別子起于是，邦而爲大夫者，便爲大宗，其嫡繼之，亦百代不遷。禮記王制云：大夫三廟，一昭一穆，與太祖之廟而三。鄭君解曰：太祖別子，始爵者也。雖非別子始爵者亦然，此其義也。此謂起于是，國威德特興，爲一宗之始者也。如此，則百代不遷，統族序親及族人服之，皆宜如別子之宗也。又宗子之服，雖在絕族，皆齊縗三月，代衰禮替，敦之者少。吳中略無此服，中士總而不齋，其所由來，自致政教凌遲，人情漸慢，非謂大夫位卑，或曰非代封爲嫌也。

通典七十三



荅羊祖延問

羊祖延問曰、外生車騎婦先遭車騎喪、斬縗服也、後遭母喪、齊縗服也、禮爲兩制、服有所變、易耶、案曾子問曰、君喪已殯、臣有父母喪、歸家殷事、卽往應、依此不往服、何服、家服何服、賀彥先荅曰、禮女子適人、服夫三年、而降其父母、傳曰、不貳斬、既不貳斬、則不得捨其所重、服其所降、有分明矣、國妃有車騎、斬縗之服、宜曰包母、齊縗無兩服之義、唯初奔、當有母初喪之服、曰明本親之恩、成服之日、故宜反斬縗之服、此輕重之義也、又禮君不厭臣、君旣殯、又有父母之喪、與君俱三年、故有歸家之義、而猶云有君喪者、不敢私服、何除之有、曰此言之、雖君父兩服、當其兼喪、曰君縗爲主、而不曰已私服爲重也、

通典九十七

荅韓刺問

韓刺問賀循曰、案傳純曰、鄭氏謂改葬三月而除、王氏曰旣虞爲

節改葬之神在廟久矣不應復虞見府君所答唯云宜三月謂王氏爲短鄭爲長而不答應虞之義此爲應虞否也循答曰凡移葬者必先設祭告墓而開冢從墓至墓皆設奠如將葬朝廟之禮意亦有疑既設奠于墓所已終其事必爾者雖非正虞亦侶虞之一隅也但不得如常虞還祭殯宮耳故不甚非王氏但不許其便除然禮無正文是目不明言也

通典一百二

### 防墓論

防是舊墓也夫子葬又新其墳故謂之修非墓崩後之言也墳新兩甚故積毀積毀故悵悵不應耳所目言不修墓者言由已修之故倒毀也

通典一百三

### 祭儀

祭曰首時及臘歲凡五祭將祭前期十日散齋不御不樂不弔前三日沐浴改服居于齋室不交外事不食葷辛靜志虚心思親之

存及祭施位牲大夫少牢士曰特豕祭前之夕及腊鼎陳于門外  
主人卽位西面宗人袒告充主人視殺于門外主婦視饔于西堂  
下設洗于阼階東南酒醴饌于房戶牲皆體解平明設几筵東面  
爲神位進食乃祝祝乃酌奠拜祝訖拜退西面立少頃酌醑醴一  
獻畢拜受酢飲畢拜婦亞獻薦棗栗受酢如主人其次長賓三獻  
亦曰燔從如主人次及兄弟獻始進俎庶羞眾賓兄弟行酬一徧  
而止徹神俎羹飯爲賓食食物如祭如俊畢酌醑一周止佐徹神  
饋饌于室中西北隅曰爲厭祭旣設閉牖戶宗人告畢賓乃退凡  
明日將祭今夕宿賓祭日主人羣子孫宗人祝史皆詣廳事西面  
立曰北爲上有薦新在四時仲月大夫士有田者旣祭而又薦無  
田者薦而不祭禮貴勝財不尚苟豐貧而不逮無疑于降大夫降  
視士士從庶人可也又不及飯菽飲水皆足致敬無害于孝通典

宗義

古者諸侯之別子及起于是邦爲大夫者皆有百代祀之謂之太祖太祖之代則爲大宗宗之本統故也其支子勿親非太祖之統謂之小宗小宗之道五代則遷當其爲宗宗中奉之加于常禮平居則每事諮告死亡則服之齊縗曰義加也又喪服要記曰公子之二宗皆一代而已庶兄弟既亡之後各爲一宗之祖也嫡繼其正統者各自爲大宗乃成百代不遷之宗也

通典七十三

宗議

奉宗加于常禮平居卽每事諮告凡告宗之例宗內祭祀嫁女娶妻死亡子生行求改易名字皆告若宗子時祭則宗內男女畢會喪故亦如之若宗內吉凶之事宗子亦普率宗黨以赴役之若宗子時祭則告于同宗祭畢合族于宗子之家男子女子曰班宗子爲男主宗婦爲女主故云宗子雖七十無主婦曰當合族紀宗故

也。凡所告子生宗子皆書于宗籍。大宗無後則支子曰昭穆。後之  
後宗立則宗道存而諸義有主也。立主義存而有一人不悖者則  
會宗而議其罰。族不可曰無統。故立宗宗位既定則常尊歸之。理  
其親親者也是故義定于本自然不移名存于政而不繼其人宗  
子之道也。故爲宗子者雖在凡才猶當佐之佑之而奉曰爲主。雖  
有高明之屬盛德之親父兄之尊而不得干其任者。所曰全正統  
而一人之情也。若姦回淫亂行出軌道有殄宗廢祀之罪者然後  
乃告諸宗廟而改立其次亦義之權也。通典七

葬禮

至墓之位男子西向婦人東向先施幔屋于埏道北南向。柩車既  
至當坐而住遂下衣几及奠祭哭畢柩進卽壙中神位旣安乃下  
器壙中薦棺曰席緣已緝緝植罌于牆左右挾棺如在道儀。通典  
六

喪服要記

凡諸侯之嗣子繼代爲君君之羣弟不敢宗君君命其母弟爲宗諸弟宗之亦謂之大宗死則爲齊縗九月若無母弟則命庶弟之大者爲宗諸弟宗之亦如母弟則爲之大功九月此三宗者一代而已庶兄弟既死之後各爲一宗之祖

婦人爲君服

案鄭注喪服云凡妻從夫降一等各合三月則妻宜無服而猶三月者古者大夫不外娶其妻則本國之女也雖從夫而出婦人歸宗往來猶人故從人服也長子有服謂未去者也循曰爲曰道去君非罪之重其子尚可曰留值君薨則服也

貴不降服

諸侯于其旁親一無所服唯父母妻長子長子之妻及爲父之後者姑姊妹嫁于諸侯及始封之君所未臣諸父昆弟皆曰其服服

之大夫爲其外親爲士者尊雖不同亦不降大夫女爲國夫人唯父母及昆弟爲父後者不降士女爲大夫妻者不降高祖曾祖祖父母兄弟爲父後者及大宗子而已

父在爲出母服

父在爲母厭尊故出而從周出母服不減者日本旣降義無再厭故也父在爲母旣已杖矣若父在母出宜重降者則宜在不杖條今在杖條明不再降杖者必居廬居廬者必禫

賜進士出身三品銜廣東等處提刑按察使司按察使兼管驛傳事務黃岡王毓棻校刊

全晉文卷八十八終